



二六

柳田文庫
文庫11
D 263
2



XIII
D 263
2

010190561980

四十三年七月
三十一日

後漢書卷之二

明帝紀第二



海內泉文序

顯宗孝明皇帝諱莊謚法曰照臨四方曰明伏光武

第四子也母陰皇后帝生而豐下杜預注左傳云豐

記云帝豐下銳上十歲能通春秋光武奇之建武十

五年封東海公十七年進爵為王十九年立為皇太

子師事博士桓榮學通尚書中元二年二月戊戌即

皇帝位年三十尊皇后曰皇太后三月丁卯葬光武

皇帝於原陵帝王紀曰原陵方三百二十步高六有

司奏上尊廟曰世祖夏四月丙辰詔曰予末小子奉

承聖業夙夜震畏不敢荒寧先帝受命中興德侔帝

王協和萬邦假於上下假至也音格懷柔百神惠於鰥寡

懷安也柔和也禮曰凡山林能興雲致雨者皆曰神有天下者祭百神懷柔百神也書曰惠於鰥寡朕

承大運繼體守文創基之主則尚武功以定禍亂其繼體而立者則守文德穀梁傳曰

承明繼體則守文之君也不知稼穡之艱難懼有廢失聖恩遺戒

顧重天下以元元為首公卿百僚將何以輔朕不逮

其賜天下男子爵人二級前書音義曰男子者謂戶內之長也商鞅為秦制爵

二十級一公士二上造三簪裹四不更五大夫六官大夫七公大夫八公乘九五大夫十左庶長十一右

庶長十二左更十三中更大夫十四右更十五小上造十六大上造十七駟車庶長十八大庶長十九關

內侯二十徹侯人賜爵者三老孝悌力田人三級三

有罪得贖貧者得賣與人三老孝悌力田孝悌力田三者皆鄉官之名三老高帝置孝悌力田

高后置所以勸導鄉里助成風化也文帝詔曰孝悌天下之大順也力田為生之本也三老衆爵過公乘

得移與子若同產同產子漢制賜爵自公士已上不

也同產同母兄弟也及流人無名數欲自占者人一級無名數謂無文

簿也占謂自歸首也鰥寡孤獨篤癘粟人十斛其施刑及郡國

徒在中元元年四月巳卯赦前所犯而後捕繫者悉

免其刑又邊人遭亂為內郡人妻在巳卯赦前一切

遣還邊恣其所樂中二千石下至黃綬漢制二百石以上銅印黃

也綬也貶秩贖論者悉皆復秩還贖方今上無天子下無

方伯公羊傳曰上無天子下無方伯此制引以為謙也若涉淵冰而無舟楫

夫萬乘至重而壯者慮輕帝謙言年尚少壯思慮輕淺故須賢人輔弼實

賴有德左右小子賴恃也左右助也高密侯禹元功之首東

平王蒼寬博有謀竝可以受六尺之託臨大節而不

撓六尺謂年十五已下大節謂大事撓屈也音女孝反其以禹為太傅蒼為驃

騎將軍太尉熹告謚南郊趙熹也應劭風俗通曰禮臣子無爵謚君父之義也

故羣臣累其功美葬日遣太尉以南郊告天而謚之司徒訢奉安梓宮李訢也梓宮以

梓木為棺風俗通曰官者存時所居綠生事死因以為名司空魴將校復土馮魴也將

校謂將領五校兵以主穿壙也前書音義曰復土主穿壙填墓事也言下棺訖復以土為墳故言復土

其封熹為節鄉侯訢為安鄉侯魴為楊邑侯秋九月

燒當羌寇隴西敗郡兵於允街允街縣名也允音鈇街音佳屬金城郡故

城城在今涼州昌松縣東南赦隴西囚徒減罪一等勿

收今年租調又所發天水三千人亦復是歲更賦謂更

戍卒更相代也賦謂雇更之錢也前書音義曰更有

三品有卒更有踐更有過更古正卒無常人皆當迭

為之有一月二更是為卒更貧者欲得雇更錢次直

者出錢雇之月一千是為踐更古者天下人皆當戍

邊三日亦名為更不可人人自行三日戍當行者不

可往即還因任一歲次直者出錢六百雇之謂之過

更○劉放曰注有一月二更案文多一有字緣一月字似有故衍因任一歲案任當作住遣謁者

張鴻討叛羌於允吾允吾縣名屬金城郡故城在今

牙鴻軍大敗戰歿冬十一月遣中郎將竇固監捕虜

將軍馬武等二將軍討燒當羌十二月甲寅詔曰方

春戒節人以耕桑其勅有司務順時氣使無煩擾禮記

孟春之月布德和令行慶施天下亾命殊死以下聽

得贖論死罪入縲二十匹右趾至髡鉗城旦春十匹

前書音義曰右趾謂刑其右足次刑左足次劓次黥

次髡鉗為城旦春城旦者晝日伺寇虜夜暮築長城

春者婦人犯罪不任軍役完城旦春至司寇作三匹

完者謂不加髡鉗而築城也次其未發覺詔書到先

自告者半入贖今選舉不實邪佞未去權門請記殘

吏放手放手謂貪百姓愁怨情無告訴有司明奏罪

名並正舉者舉非其人並又郡縣每因徵發輕為姦

利詭責羸弱先急下貧其務在均平無令枉刻

永平元年春正月帝率公卿已下朝於原陵如元會

儀漢官儀曰古不墓祭秦始皇起寢於墓側漢因而

不改諸陵寢皆以晦望二十四氣三伏社臘及四

時上飯其親陵所宮人隨鼓漏理被枕具盥水陳莊

具天子以正月上原陵公卿百官及諸侯王郡國計

吏皆當軒下占其郡國穀價四方改夏五月太傅鄧

易欲先帝龜龜聞之也元會儀見下

禹薨戊寅東海王彊薨遣司空馮魴持節視喪事賜

升龍旄頭鑿輅龍旂旄頭見光武紀鑿鈴也在鑣交龍為旂唯天子用之今特賜以

葬六月乙卯葬東海恭王秋七月捕虜將軍馬武等

與燒當羌戰大破之募士卒戍隴右賜錢人三萬八

月戊子徙山陽王荆為廣陵王遣就國是歲遼東太

守祭彤使鮮卑擊赤山烏桓大破之斬其渠帥赤山在遼

東西北越雋姑復夷叛姑復縣名州郡討平之

二年春正月辛未宗祀光武皇帝於明堂帝及公卿

列侯始服冠冕衣裳玉佩絢履以行事漢官儀曰天子冠通天諸

侯玉冠遠遊三公諸侯冠進賢三梁卿大夫尚書二千石博士冠兩梁二千石已下至小吏冠一梁天子

三公九卿諸侯七其纓各如其綬色玄衣纁裳周禮

曰王祀昊天上帝則服大裘而冕祀五帝亦如之禮圖曰冕以三十升布漆而為之廣八寸長尺六寸

前圓後方前下後高有俛伏之形故謂之冕欲人之位彌高而志彌下故以名焉董巴輿服志曰顯宗初

服冕衣裳以祀天地衣裳以玄上纁下乘輿備文日月星辰十二章三公諸侯用山龍九章卿已下用華

蟲七章皆五色采乘輿刺繡公卿以下皆織成陳留襄邑獻之徐廣車服注曰漢明帝案古禮備其服章

天子郊廟衣皂上絳下前三幅後四幅衣畫而裳纁禮記曰古之君子必佩玉君子於玉比德焉天子佩

白玉諸侯佩山玄玉大夫佩水蒼玉世子佩瑜玉周禮屨人掌玉赤舄青絢鄭玄注云赤舄為上冕屨之

舄也絢屨鼻頭以青絲飾之絢音劬三禮圖曰屨複下曰舄其色各隨裳色○劉敞曰注二千石已下至

小吏案上文已云二千石冠兩梁此則多一二字禮畢登靈臺使尚書令持

節詔驃騎將軍三公曰今令月吉日宗祀光武皇帝

於明堂以配五帝五經通義曰蒼帝靈威仰赤帝赤

帝叶光紀牲幣及玉各依方色○劉放曰注禮備法

白招矩案禮作白招拒音矩不便作矩也

物樂和八音詠祉福舞功德祉亦福也詠謂詩云降

福穰穰之類景帝詔曰歌者所以發德其班時令敕羣后班布也時令謂日

若若有乖舛必致妖灾故告之○劉放曰正文案此詔

方叙行禮事未有敕下語則此其字為衍文下文自

有其令天事畢升靈臺望元氣吹時律觀物變元氣

也也王者承天心理禮樂通上下四時之氣也故聖之

焉也時律者即月令孟春律中太簇仲春律中夾鍾之

類大戴禮曰聖人截十二管察八音之清濁謂之律

呂律呂不正則諸氣不和周禮保章氏以五雲之色

辨吉凶水旱豐荒之祲象鄭司農注以二至二分觀

雲色青為蟲白為喪赤為兵荒黑為水黃為豐故春

秋傳曰凡分至啓閉必書雲物為備

故也杜預注云物謂氣色灾變也

羣僚藩輔宗室

子孫衆郡奉計百蠻貢職奉計謂計吏也詩曰因時

通四夷也烏桓濊貊咸來助祭單于侍子骨都侯亦皆陪

位斯固聖祖功德之所致也朕以闇陋奉承大業親

執圭璧恭祀天地周禮曰四圭尺有二寸以祀天又

圭禮東方以赤璋禮南方以白琥禮西方以玄璜禮北方以青仰惟先帝受命中興撥

明堂立辟雍起靈臺恢弘大道被之八極淮南子曰九州之外

有八寅八寅之外有八絃八絃之外有八極而胤子無成康之質羣臣無

呂旦之謀明帝自謂無成康之時刑措不用四十餘年○劉攽曰注案文意當更有成康之質

曰字然後云成康之時盥洗進爵踧踏惟慙鄭玄注論語云踧踏敬恭貌盥音管

索性頑鄙臨事益懼故君子坦蕩蕩小人長戚戚坦蕩

明達之貌戚戚常憂懼也其令天下自殊死已下謀反大逆皆赦

除之百僚師尹其勉修厥職順行時令敬若昊天以

綏兆人若順也三月臨辟雍初行大射禮儀禮曰大射之禮王將祭射宮擇士以助祭也張虎侯熊侯豹侯其制若今之射的矣謂之為侯者天子射中之可以服諸侯也天

子侯中一丈八尺畫以雲氣焉王以六耦射三侯樂以騶虞九節諸侯以四耦射二侯樂以狸首七節孤卿大夫以三耦射一侯樂以采蘋五節士以二耦射

射侯樂以采繁三節○劉攽曰注儀禮曰大射之禮案此非儀禮本文以合著曰字秋九月沛王輔楚王英濟南王康淮

陽王延東海王政來朝冬十月壬子幸辟雍初行養

老禮詔曰光武皇帝建三朝之禮而未及臨饗三朝謂中元元年初起明堂辟雍靈臺也眇眇小子屬當聖業尚書康王曰眇眇予末小子

子孔安國注云眇眇猶微微也間暮春吉辰初行大射令月元日東

記曰十月元日復踐辟雍尊事三老兄事五更安車輶輪供

綏執授侯王設醬公卿饌珍朕親袒割執爵而酌孝經

經

孝經

孝經

孝經

援神契曰尊事三老父象也宋均注曰老人知天地之事者安車坐乘之車輦輪以蒲裹輪輦音而充反三老就車天子親執綏授之說文綏車中把也五更老人知五行更代事者漢官儀曰三老五更皆取有首妻男女全具者續漢志曰養三老五更先吉日司徒上太傅若講師故三公人名用其德行年耆高者三公一人為三老次卿一人為五更皆服絺紵大袍單衣皂綠領袖中衣冠進賢扶玉杖五更亦如之不一杖皆齋于太學講堂其日乘輿先到辟雍禮畢殿坐于東廂遣使者安車迎三老五更天子迎於門屏交拜導自阼階三老自賓階升東面三公設几杖九卿正履天子親袒割俎執醬而饋執爵而醕五更南面三公進供禮亦如之明日皆詣闕謝以其於已禮太隆也醬醕也珍謂肴羞之屬即周禮八珍之類鄭玄注儀禮云醕漱也所以潔口音胤○劉攽曰注老人知天地之事案本以知天地人三才故謂之三老則此之字當

祝哽在前祝噎在後

老人食多哽咽故置人於前後祝之令其

不哽

升歌鹿鳴下管新宮

鹿鳴詩小雅篇名也新宮小雅逸篇也升登也登堂

而歌所以重人聲也燕禮

八佾具脩萬舞於庭

佾列也謂

舞者行列也左氏傳曰天子八佾諸侯六大夫四士二夫舞所以節八音而行八風故自八以下萬亦舞也詩云公庭萬舞朕固薄德何以克當易陳負乘詩刺彼已

易曰負且乘致寇至負也者小人之事也乘也者君子之器也小人而乘君子之器盜思奪之矣詩曰彼已之子不稱其服也永念慙疚無忘厥心三老李躬年耆學明

五更桓榮授朕尚書詩曰無德不報無言不酬

詩大雅也

其賜榮爵關內侯食邑五千戶三老五更皆以二千石祿養終厥身其賜天下三老酒人一石肉四十斤

有司其存者耆

禮記曰六十曰耆七十曰耄釋名曰耆指也不從力役指事使人也耆鐵

也皮膚變黑如鐵也

恤幼孤惠鰥寡稱朕意焉中山王焉始

就國甲子西巡狩幸長安祠高廟遂有事於十一陵

歷覽館邑會郡縣吏勞賜作樂十一月甲申遣使者

以中牢祠蕭何霍光帝謁陵園過式其墓

東觀漢記曰蕭何墓

在長陵東司馬門道北百步又云霍光墓在茂陵東司馬門道南四里式敬也禮記曰行過墓必式進

幸河東所過賜二千石令長已下至於掾史各有差

續漢志曰郡國及縣諸曹皆置掾吏

癸卯車駕還宮十二月護羌校尉

竇林下獄死是歲始迎氣於五郊

續漢書曰迎氣五郊之兆四方之兆

各依其位中央之兆在未壇皆三尺立春之日迎春於東郊祭青帝勾芒車服皆青歌青陽八佾舞雲翹之舞立夏之日迎夏於南郊祭赤帝祝融車服皆赤歌朱明八佾舞雲翹之舞先立秋十八日迎黃靈於中兆祭黃帝后土車服皆黃歌朱明八佾舞雲翹育命之舞立秋之日迎秋於西郊祭白帝蓐收車服皆白歌白藏八佾舞育命之舞立冬之日迎冬於北郊祭黑帝玄冥車服皆黑歌玄冥八佾舞育命之舞

少府陰就子豐殺其妻酈邑公主就坐自殺

酈縣屬南陽郡

酈音

三年春正月癸巳詔曰朕奉郊祀登靈臺見史官正

儀度

儀謂渾儀以銅為之置於靈臺王者正天文之器也度謂日月星辰之行度也史官即太史掌

天文之官也

夫春者歲之始也始得其正則三時有成

謂

日月五星不失其次也三時謂春夏秋左傳曰務其三時比者水旱不節邊人食

寡政失於上人受其咎有司其勉順時氣勸督農桑

去其螟蟻以及蝥賊爾雅曰食苗心曰螟食根曰蝥域一名短孤今之水弩含沙射

人為災言此者欲令臣下順時行政勿侵擾也詳刑慎罰明察單辭單辭猶偏辭也

夙夜匪懈以稱朕意二月甲寅太尉趙憙司徒李訢

免丙辰左馮翊郭丹為司徒己未南陽太守虞延為

太尉甲子立貴人馬氏為皇后皇子烜音丁達反為皇太

子賜天下男子爵人二級三老孝悌力田人三級流

人無名數欲占者人一級鰥寡孤獨篤癘貧不能自

存者粟人五斛夏四月辛酉封皇子建為千乘王千乘

國名今青州縣故城在今淄州高宛北羨為廣平王六月丁卯有星孛

于天船北天船星名續漢志曰天船為水彗出之為大水是歲伊洛水溢到津城門伏侯古今

注曰彗長三尺許見三十五日乃去秋八月戊辰改太樂為太子樂尚書

璇璣鈴曰有帝漢出德洽作樂名子故據璇璣鈴改之漢官儀曰太子樂令一人秩六百石壬申

晦日有食之詔曰朕奉承祖業無有善政日月薄蝕

彗孛見天水旱不節稼穡不成人無宿儲下生愁墊

儲積也墊溺也音丁念反雖夙夜勤思而智能不逮咎楚莊無災

以致戒懼說苑曰楚莊王見天不見妖而地不出孽則禱于山川曰天其忘余歟此能求過于

天不逆諫矣魯哀禍大天不降譴春秋感精符曰魯哀公時政彌亂絕不日食政

亂之類當致日食之變而不應者譴之何益告之不悟故哀公之篇絕無日食之異今之動變

儻尚可救有司勉思厥職以匡無德古者卿士獻詩

百工箴諫國語曰天子聽政公卿至于庶士獻詩師箴百工諫庶人傳語近臣盡規而後王斟酌事

其言事者靡有所諱冬十月蒸祭光武廟禮記曰冬

祭曰蒸蒸衆也冬初奏文始五行武德之舞前書曰文始舞

者本舜韶舞也高祖六年更名曰文始其舞人執羽

籥五行者本周舞也秦始皇二十六年更名曰五行

其舞人冠冕衣服法五行色武德者高祖四年作言

行武以除亂也其舞人執干戚光武草創禮樂未備

今始奏之故云初也甲子車駕從皇太后幸章陵觀舊廬十二

月戊辰至自章陵是歲起北宮及諸官府京師及郡

國七大水

四年春正月辛亥詔曰朕親耕藉田以祈農事禮記

子親耕于東郊為藉田千畝冕而朱紘躬秉耒耜五

經要義曰天子藉田以供上帝之粢盛所以先百姓

而致孝敬也藉田也言親自蹈履于田而耕之續漢

志云正月始耕既事告祠先農漢舊儀曰先農即神

農炎帝也祠以太牢百官皆從皇帝親執耒耜而耕

天子三推三公五孤卿大夫十二士庶人終畝乃

致藉田倉置令丞以給祭天地宗廟以為粢盛京師冬無宿雪春不燠沐燠

也音於六反沐潤澤也言無暄潤之氣也煩勞羣司積精禱求積精猶儲

云告事求福曰禱而比再得時雨宿麥潤澤其賜公卿半奉

有司勉遵時政務平刑罰秋九月戊寅千乘王建薨冬十月乙卯司徒郭丹司空馮魴免丙辰河南尹范遷為司徒大僕伏恭為司空十二月陵鄉侯梁松下

獄死

坐縣飛書誹謗

五年春二月庚戌驃騎將軍東平王蒼罷歸藩琅邪王京就國冬十月行幸鄴與趙王栩會鄴常山三老言於帝曰上生於元氏願蒙優復詔曰豐沛濟陽受命所由加恩報德適其宜也今永平之政百姓怨結而吏人求復令人愧笑重逆此縣之拳拳

重難也拳拳猶勤勤

省示不為諂子蚩也冬十月行幸魯祠東海恭王陵會沛王輔楚王英濟南王康東平王蒼淮南王延琅邪王京東海王政十二月還幸陽城遣使者祠中岳壬午車駕還宮東平王蒼琅邪王京從駕來朝皇太后

七年春正月癸卯皇太后陰氏崩二月庚申葬光烈皇后秋八月戊辰北海王興薨是歲北匈奴遣使乞和親

八年春正月己卯司徒范遷薨

漢官儀曰遷字子間沛人也

三月

辛卯太尉虞延為司徒衛尉趙熹行太尉事遣越騎司馬鄭眾報使北匈奴初置度遼將軍屯五原曼栢

武帝拜范明友為度遼將軍至此復置焉以中郎將吳常行度遼將軍曼栢縣在今勝州銀城縣也秋

郡國十四雨水冬十月北宮成丙子臨辟雍養三老

五更禮畢詔三公募郡國中都官死罪繫囚減臯一

等勿笞詣度遼將軍營屯朔方五原之邊縣妻子自

隨便占著邊縣占著謂附名藉父母同產欲相代者恣聽之

其大逆無道殊死者一切募下蠶室亡命者令贖罪

各有差凡徙者賜弓弩衣糧壬寅晦日有食之既既盡

也詔曰朕以無德奉承大業而下貽人怨上動三光

日食之變其灾尤大春秋圖讖所謂至譴春秋感精符曰人主

今天光據璣衡齊七政操八極故君明聖人道得正則日月光明五星有度日明則政理不明則政亂故

常戒以自救厲日食皆象君之進退為盈縮當春秋撥亂日食三十六故曰至譴也永思厥咎

在予一人羣司勉修職事極言無諱於是在位者皆

上封事各言得失宣帝始令羣臣得奏封事以知下情封有正有副領尚書者先發副

封所言不善屏而不奏後魏相奏去副封以防擁蔽帝覽章深自引咎乃以所

上班示百官詔曰羣僚所言皆朕之過人寃不能理

吏黠不能禁而輕用人力繕修宮宇出入無節喜怒

過差昔應門失守關雎刺世

春秋說題辭曰人主不以感之宋均注曰應門聽政之處也言不以政事為務則有宣淫之心關雎樂而不淫思得賢人與之共

化修應門之政者也薛君韓詩章句曰詩人言雎鳩貞潔慎匹以聲相求隱蔽于無人之處故人君退朝入于私宮后妃御見有度應門擊柝鼓人上堂退反宴處體安志明今時大人內傾于色賢人見其萌故詠關雎說淑女 飛蓬隨風微子所歎 管子曰無儀法正容儀以刺時 永覽前戒竦然兢懼徒恐

薄德久而致怠耳北匈奴寇西河諸郡

九年春三月辛丑詔郡國死罪囚減罪與妻子詣五

原朔方占著所在死者皆賜妻父若男同產一人復

終身其妻無父兄獨有母者賜其母錢六萬又復其

口筭 口筭已見 夏四月甲辰詔郡國以公田賜貧人

各有差令司隸校尉部刺史歲上墨綬長吏視事三

歲已上理狀尤異者各一人與計偕上 偕俱也所徵之人令與計

及尤不政理者亦以聞是歲大有年 穀梁傳曰五穀皆熟

為四姓小侯開立學校置五經師 袁宏漢紀曰永平中崇尚

儒學自皇太子諸王侯及功臣子弟莫不受經又為外戚樊氏郭氏陰氏馬氏諸子弟立學號四姓小侯置五經師以非列侯故曰小侯禮記曰庶方小侯亦其義也

十年春二月廣陵王荆有罪自殺國除夏四月戊子

詔曰昔歲五穀登衍

鄭玄注周禮云五穀黍稷麥麻米也登成也衍饒也音以戰反

今茲蠶麥善收其大赦天下方盛夏長養之時蕩滌

宿惡以報農功百姓勉務桑稼以備灾害吏敬厥職

無令愆愆閏月甲午南巡狩幸南陽祠章陵日北至

又祠舊宅

北至夏至也

禮畢召校官弟子作雅樂奏鹿鳴

校學也鹿鳴詩小雅篇名宴羣臣嘉賓之詩

帝自御塤箎和之以娛嘉賓

鄭玄注周禮云塤燒土為之大如鴈子鄭眾曰有六孔世本曰暴辛公作箎以竹為之長尺四寸有八孔

還幸南頓勞饗三老官屬冬十月徵淮陽王延會平

輿

縣名屬汝南郡故城在今豫州汝陽縣東北輿音預

徵沛王輔會睢陽十二

月甲午車駕還宮

十一年春正月沛王輔楚王英濟南王康東平王蒼

淮陽王延中山王焉琅邪王京東海王政來朝秋七

月司隸校尉郭霸下獄死是歲灤湖出黃金廬江太

守以獻

灤湖湖名音子小反在今廬州合肥縣東南

時麒麟白雉醴泉嘉

禾所在出焉

十二年春正月益州徼外夷哀牢王相率內屬於是

置永昌郡罷益州西部都尉

西南夷傳曰罷益州西部所領六縣合為永昌

郡置哀牢博南二縣去洛陽七千里在今匡州匡川縣西

夏四月遣將作謁者王

吳修汴渠自滎陽至于千乘海口

汴渠即荆蕩渠也汴自滎陽首受河

所謂石門在滎陽山北一里過汴以東積石為隄亦號金隄成帝陽嘉中所作也

五月丙辰

賜天下男子爵人二級三老孝悌力田人三級流民

無名數欲占者人一級鰥寡孤獨篤癯貧無家屬不

能自存者粟人三斛詔曰昔曾閔奉親竭歡致養

曾參

字子輿閔損字子騫並孔子弟子皆有孝行也

仲尼葬子有棺無槨

論語曰鯉也外

有棺而無槨

喪貴致哀禮存寧儉今百姓送終之制競為

奢靡生者無擔石之儲而財力盡於墳土

前書音義曰檐音丁

濫反言一石之儲方言作甌云瑩也齊東北海岱之間謂之甌郭璞注曰所謂家無甌石之儲者也埤蒼

曰大盟也字或作儋音丁甘反

伏臘無糟糠而牲牢兼於一奠

史記曰秦

德公始為伏祠歷忌曰伏者何也金氣伏藏之日也四氣代謝皆以相生至于立秋以金代火金畏于火故庚日必伏月令孟冬之月臘先祖說文云臘冬至後祭百神始皇更臘曰嘉平奠喪祭也

積世之業以供終朝之費子孫饑寒絕命於此豈祖

糜破

考之意哉又車服制度恣極耳目田荒不耕游食者

衆

游食謂浮食者

有司其申明科禁宜於今者宣下郡國秋

七月乙亥司空伏恭罷乙未大司農牟融為司空冬

十月司隸校尉王康下獄死是歲天下安平人無徭

役歲比登稔百姓殷富粟斛三十牛羊被野

十三年春二月帝耕於藉田禮畢賜觀者食三月河

南尹薛昭下獄死夏四月汴渠成辛巳行幸滎陽巡

行河渠乙酉詔曰自汴渠決敗六十餘歲王景傳曰平帝時汴

河決加頃年以來雨水不時汴流東侵日月益甚水

門故處皆在河中漭漭廣溢莫測圻岸圻圻也蕩蕩極

望不知綱紀今交豫之人多被水患乃曰縣官不先

人急好興它役又或以為河流入汴幽冀蒙利故曰

左隄疆則右隄傷左右俱疆則下方傷宜任水執所

之使人隨高而處公家息壅塞之費百姓無陷溺之

患議者不同南北異論朕不知所從久而不決今既

築隄理渠絕水立門河汴分流復其舊迹陶丘之北

漸就壤墳爾雅曰丘再成曰陶丘孫炎曰形如累兩孟也郭璞曰今齊陰定陶城中有陶丘也

尚書曰厥土惟黑壤下土墳廬孔安國曰無塊曰壤墳起也故薦嘉玉絜牲以禮

河神禮記曰凡祭玉曰嘉玉儀禮曰絜牲剛鬣東過洛汭歎禹之績水北曰汭

洛汭洛水入河處也績功也今五土之宜反其正色

周禮曰山林川澤丘陵墳衍原隰謂之五土也色謂其黃白青黑之類孔安國曰水所去土復其性也

濱渠下田賦與貧人無令豪右得固其利濱近也豪右大家也

庶繼世宗瓠子之作瓠子隄名也武帝元封二年發卒數萬人塞瓠子決河沈白馬

王璧令羣臣皆負薪填河因遂度河登太行進幸上

任今濮州濮陽縣西也黨壬寅車駕還宮冬十月壬辰晦日有食之三公免

冠自劾制曰冠履勿劾災異屢見咎在朕躬憂懼違

違未知其方將有司陳事多所隱諱使君上壅蔽下

有不暢乎昔衛有忠臣靈公得守其位論語孔子曰衛靈公無道

季康子曰夫如是奚其不喪孔子曰仲叔圍治賓客祝佗主宗廟王孫賈主軍旅夫如是奚其喪今

何以和穆陰陽消伏災譴刺史太守詳刑理寃存恤

鰥孤勉思職焉十一月楚王英謀反廢國除遷於涇

縣涇縣屬丹陽郡今宣州縣故城在縣東有涇水出蕪湖因水立名所連及處徒者

數十人是歲齊王石薨

十四年春三月甲戌司徒虞延免自殺夏四月丁巳

鉅鹿太守南陽邢穆為司徒穆字緱公宛人前楚王英自殺

夏五月封故廣陵王荆子元壽為廣陵侯初作壽陵

十五年春二月庚子東巡狩辛丑幸偃師詔亡命自

殊死以下贖死罪縑四十四匹右趾至髡鉗城旦春十

匹完城旦至司寇作五匹犯罪未發覺詔書到日自

告者半入贖徵沛王輔會睢陽進幸彭城癸亥帝耕

于下邳三月徵琅邪王京會良成良成縣名屬東海故城在今泗州下

北 邳縣 徵東平王蒼會陽都陽都縣名屬琅邪郡故城在今沂州沂水縣南又

徵廣陵侯及其三弟會魯祠東海恭王陵還幸孔子

宅祠仲尼及七十二弟子親御講堂孔子宅在今兗州曲阜縣故魯

城中歸德門內闕里之中背洙面泗矍相圃之東北也七十一弟子顏閔之徒漢春秋曰帝時升廟立羣

臣中庭北面皆再拜帝進爵而後坐 命皇太子諸王說經又幸東平東平

國名故城在今鄆州東 辛卯進幸大梁大梁城魏惠王所築故城在今汴州至定

陶祠定陶恭王陵恭王元帝子康夏四月庚子車駕還宮改

信都為樂成國臨淮為下邳國封皇子恭為鉅鹿王

黨為樂成王衍為下邳王暢為汝南王昞為常山王

長為濟陰王濟陰郡今曹州賜天下男子爵人三級郎從官

二十歲已上帛百匹十歲已上二十匹十歲已下十

匹官府吏五匹書佐小史三匹令天下大酺五日前

音義曰漢律三人已上無故羣飲罰金四兩今恩詔橫賜得令聚會飲食五日酺布也言天子布恩於天下史記趙惠文王三年乙巳大赦天下其謀反大逆

大赦置酒大酺五日 及諸不應宥者皆赦除之冬車騎校獵上林苑周禮

掌王田獵之馬故曰校獵謂以木相貫穿為欄校以遮禽獸十二月遣奉車都尉

竇固駙馬都尉耿秉屯涼州前書曰奉車都尉掌乘輿駙馬都尉掌天子之

副馬駙副也並武帝置秩二千石

後漢書卷三十一 月帝紀

十六年春二月遣太僕祭彤出高闕高闕山名因以各塞在朔方北

奉車都尉竇固出酒泉駙馬都尉耿秉出居延本匈奴地

名也武帝因以名縣屬張掖郡在今甘州張掖縣東北駙馬都尉來苗出平城

伐北匈奴竇固破呼衍王於天山呼衍匈奴王號天山即和連山一名

雪山今名折羅漢山在伊州北祁音時留兵屯伊吾盧城本匈奴中地名既破呼衍

即其地置宜禾都尉以為屯田今伊州細職縣伊吾故城是也耿秉來苗祭彤竝無

功而還夏五月淮陽王延謀反發覺癸丑司徒邢穆

駙馬都尉韓光坐事下獄死所連及誅死者甚衆與坐

延同謀戊午晦日有食之六月丙寅大司農西河王敏

為司徒漢官儀曰敏字叔公并州隰城人也秋七月淮陽王延徙封阜

陵王阜陵縣名屬九江郡故城在今滁州全椒縣南九月丁卯詔令郡國中

都官死罪繫囚減死臯一等勿笞詣軍營屯朔方敦

煌妻子自隨父母同產欲求從者恣聽之女子嫁為

人妻勿與俱謀反大逆無道不用此書是歲北匈奴

寇雲中雲中太守廉范擊破之

十七年春正月甘露降於甘陵北海王睦薨二月乙

巳司徒王敏薨三月癸丑汝南太守鮑昱為司徒是

歲甘露仍降樹枝內附仍頻也內附謂木連理也前書終軍曰衆枝內附是無外

也芝草生殿前神雀五色翔集京師西南夷哀牢僇

耳焦僥藥木白狼動黏諸種前後慕義貢獻山海經曰周僥

國在三首國東為人短小冠帶一名焦僥國語曰僇僇氏三尺短之至也楊浮異物志曰僇耳南方夷生則鏤其頰皮連耳匡分為數支狀如雞腸累累下垂至肩西域諸國遣子入侍夏

五月戊子公卿百官以帝威德懷遠祥物顯應乃竝

集朝堂奉觴上壽壽者人之所欲故卑下奉觴進酒皆言上壽制曰天生

神物以應王者遠人慕化實由有德朕以虛薄何以

享斯唯高祖光武聖德所被不敢有辭其敬舉觴太

常擇吉日策告宗廟其賜天下男子爵人二級三老

孝悌力田人三級流人無名數欲占者人一級鰥寡

孤獨篤癯貧不能自存者粟人三斛郎從官視事十

歲以上者帛十匹中二千石二千石下至黃綬○劉放曰

案文既云中二千石下至黃綬不須更比二千石明多此三字貶秩奉贖在去年以

來皆還贖秋八月丙寅令武威張掖酒泉敦煌張掖郡故

匈奴昆邪王地也漢官儀曰張國臂掖故曰張掖故城在今甘肅張掖縣西北及張掖屬國

繫囚右趾已下任兵者任堪也皆一切勿治其罪詣軍

營冬十一月遣奉車都尉竇固駙馬都尉耿秉騎都

尉劉張出敦煌昆侖塞昆侖山名因以為塞在今肅州酒泉縣西南山有昆侖之

體故名之周穆王見西王母于此山有石室王母臺擊破白山虜於蒲類海上

遂入車師西河舊事曰白山冬夏有雪故曰白山匈奴謂之天山過之皆下馬拜焉去蒲類海

百里初置西域都護戊巳校尉宣帝初置鄭吉為都護護三十六國秩比

二千石元帝置戊巳校尉有丞司馬各一人秩比六百石戊巳中央也鎮覆四方見漢官儀亦處西域鎮

撫諸國是歲改天水為漢陽郡

十八年春三月丁亥詔曰其令天下亡命自殊死已

下贖死罪縑二十四匹右趾至髡鉗城旦春十匹完城

旦至司寇作五匹吏人犯罪未發覺詔書到自告者

半入贖夏四月巳未詔曰自春以來時雨不降宿麥

傷旱秋種未下政失厥中憂懼而已其賜天下男子

爵人二級及流民無名數欲占者人一級鰥寡孤獨

篤癯貧不能自存者粟人三斛理冤獄錄輕繫二千

石分禱五嶽四瀆郡界有各山大川能興雲致雨者

周禮職方氏掌天下之地揚州其山曰會稽其川曰三江荆州其山曰衡山其川曰江漢豫州其山曰華

其山曰岱山其川曰河洿雍州其山曰沂山其川曰淮泗兖州

其山曰嶽其川曰涇

其川曰漳并州其山曰恒其川曰滹沱此謂九州名

山大長吏各絜齋禱請冀蒙嘉澍說文曰時雨所以澍生萬物淮南子

曰春雨之灌萬物無地不澍無物不生澍音之戌反六月巳未有星孛於太微

焉者龜茲攻西域都護陳睦悉沒其衆北匈奴及車

師後王圍戊巳校尉耿恭秋八月壬子帝崩於東宮

前殿年四十八遺詔無起寢廟藏主於光烈皇后更

衣別室禮藏主於廟既不起寢廟故帝初作壽陵制

令流水而已石槨廣一丈二尺長二丈五尺無得起

墳東觀記曰陵東北作廡長三丈五步外為小厨財

五萬年之後埽地而祭杆水脯糒而已說文曰杆飲

給灑掃勿開修道敢有所興作者以擅議宗廟法從

事前書曰擅議宗廟者棄市帝遵奉建武制度無敢違者後宮之

家不得封侯與政東觀記曰光武閔傷前代權臣太

求郎不許而賜錢千萬謂羣臣曰郎官上應列宿出

宰百里史記曰太微宮後苟非其人則民受其殃是

以難之故吏稱其官民安其業遠近肅服戶口滋殖

焉

論曰明帝善刑理法令分明日晏坐朝幽枉必達內

外無倖曲之私在上無矜大之色斷獄得情號居前

後漢書卷三十一

明帝紀

三十一

代十二

十斷其二言少刑也

故後之言事者莫不先建武永平

之政而鍾離意宋均之徒常以察慧為言

並見本傳

夫豈

弘人之度未優乎

贊曰顯宗丕承業業兢兢危心恭德政察姦勝

危心言常

危懼姦勝猶勝奸佞

備章朝物省薄墳陵

朝物謂朝儀文物也

永懷廢典

下身遵道

廢典謂明堂辟雍之禮歷於漢不行下身謂進爵授綬之類

登臺觀雲

臨雍拜老懋惟帝績增光文考

懋勉也書曰惟我文考光于四海

後漢書卷之二

後漢書卷之三

章帝紀第三

肅宗孝章皇帝諱炆顯宗第五子也

謚法曰溫克令儀曰章伏侯古

今注曰炆之字曰著音丁達反

母賈賢人永平三年立為皇太子少

寬容好儒術顯宗器重之十八年八月壬子即皇帝

位年十九尊皇后曰皇太后壬戌葬孝明皇帝于顯

節陵

帝王紀曰顯節陵方三百步高八丈其地故冨壽亭也西北去洛陽三十七里

冬十月

丁未大赦天下賜民爵人二級為父後及孝悌力田

人三級脫無名數及流人欲占者人一級爵過公乘

得移與子若同產子鰥寡孤獨篤瘡貧不能自存者

粟人三斛詔曰朕以眇身託于王侯之上統理萬機

懼失厥中兢兢業業未知所濟深惟守文之主必建

師傅之官詩不云乎不愆不忘率由舊章詩大雅也鄭玄云愆

過也率循也由用也言成主之令德不過誤行太尉

事節鄉侯熹三世在位為國元老趙熹光武時為太尉明帝時行太尉

事故曰三代在位元長也詩曰方叔元老司空融融年典職六年勤勞不

怠其以熹為太傅融為太尉竝錄尚書事武帝初以張子孺領

尚書事錄尚書事由此始三事大夫莫肯夙夜小雅之所傷也詩

無正之文也三事三公也鄭玄注云幽王在外三公及諸侯隨而行者皆無復君臣之禮不肯晨夜省王

予違汝弼汝無面從尚書益稷之文也孔安國注云我違道汝當以義輔正我無面

從股肱之正義也羣后百僚勉思厥職各貢忠誠以

輔不逮申救四方稱朕意焉十一月戊戌蜀郡太守

第五倫為司空詔征西將軍耿秉屯酒泉酒泉今肅州縣也前

書音義曰城下有泉其味若酒因名酒泉焉遣酒泉太守段彭勅戊己校

尉耿恭甲辰晦日有食之於是避正殿寢兵不聽事

五日詔有司各上封事十二月癸巳有司奏言孝明

皇帝聖德淳茂劬勞日昃身御浣衣日昃日跌尚書曰文王自朝至

皇帝聖德淳茂劬勞日昃身御浣衣

皇帝聖德淳茂劬勞日昃身御浣衣

皇帝聖德淳茂劬勞日昃身御浣衣

皇帝聖德淳茂劬勞日昃身御浣衣

皇帝聖德淳茂劬勞日昃身御浣衣

皇帝聖德淳茂劬勞日昃身御浣衣

于日中曷不違暇食食無兼珍澤臻四表尚書曰光被四表遠人慕化

焦僥僇耳欵塞自至欵扣僥僇儋耳解見明紀克伐鬼方開道西

域鬼方遠方易曰高宗伐鬼方三年克之威靈廣被無思不服以烝庶

為憂不以天下為樂備三雍之教躬養老之禮作登

歌正雅樂博貫六藝周禮保氏教之六藝一曰禮二曰樂三日射四曰馭五日書六曰數前書藝文志曰以禮樂春秋易詩書為六藝博貫謂究極深幽耳不舍晝夜聰明

淵塞著在圖讖河圖曰圖出代九天開明受用嗣興十代以光又括地象曰十代禮樂文雅並出謂明帝也至德所感通於神明功烈光於四海仁風

行於千載而深執謙謙自稱不德無起復廟埽地而

祭除日祀之法春秋外傳曰日祭月祀時享祖禘則日祭高會則月祀三祧則時享今此除日祀之法從時月之祭省送終之禮遂藏主於光烈皇后更衣

別室天下聞之莫不悽愴陛下至孝烝烝奉順聖德

臣愚以為更衣在中門之外處所殊別宜尊廟曰顯

宗其四時禘祫於光武之堂間祀悉還更衣續漢書曰五年再殿祭三年一祫五年一禘父為昭南向子為穆北向禘以夏四月祫以冬十月禘之為言諦諦審昭穆尊卑之義祫者合也冬十月五穀成故骨肉合飲食於祖廟謂之殿祭四時正祭外有五月嘗麥三伏立秋嘗黍盛酎十月嘗稻等謂之間祀即各於更衣之殿更衣者非正處也園中有寢有便殿寢者陵上正殿便殿寢側之別殿即更衣也○劉放曰注立秋嘗黍盛酎案漢制立秋嘗黍案稷也八月飲酎此文誤

殿便殿寢側之別殿即更衣也○劉放曰注立秋嘗

殿更衣者非正處也園中有寢有便殿寢者陵上正

殿便殿寢側之別殿即更衣也○劉放曰注立秋嘗

殿更衣者非正處也園中有寢有便殿寢者陵上正

殿便殿寢側之別殿即更衣也○劉放曰注立秋嘗

殿更衣者非正處也園中有寢有便殿寢者陵上正

殿便殿寢側之別殿即更衣也○劉放曰注立秋嘗

殿更衣者非正處也園中有寢有便殿寢者陵上正

殿便殿寢側之別殿即更衣也○劉放曰注立秋嘗

殿更衣者非正處也園中有寢有便殿寢者陵上正

出一盛字少 其進武德之舞如孝文皇帝祫祭高廟

故事前書高廟奏武德文始五行之舞制曰可是歲牛疫京師及三

州大旱詔勿收交豫徐州田租芻橐其以見穀賑給

貧人○劉放曰案詔無它語不當有其字

建初元年春正月詔三州郡國方春東作恐人稍受

廩往來煩劇或妨耕農廩給也稍為少少給之不頓與○劉放曰注案文為當作

謂其各實覈尤貧者計所貸并與之并音必政反流人欲

歸本者郡縣其實稟令足還到聽過止官亭無雇舍

宿長吏親躬無使貧弱遺脫小吏豪右得容姦妄前書

曰百石已下有斗食佐吏之秩言小吏也詔書既下勿得稽留刺史明加

督察尤無狀者無狀謂其罪惡尤大其狀無可寄言故云無狀它皆類此丙寅詔

曰比年牛多疾疫墾田減少穀價頗貴人以流亡方

春東作宜及時務二千石勉勸農桑弘致勞來羣公

庶尹各推精誠專急人事罪非殊死須立秋案驗有

司明慎選舉進柔良退貪猾順時令理冤獄五教在

寬帝典所美五教謂父義母慈兄友弟恭子孝也尚書舜典曰汝作司徒敬敷五教在寬

愷悌君子大雅所歎愷樂悌易也詩大雅洞酌篇曰愷悌君子人之父母布告

天下使明知朕意酒泉太守段彭討擊車師大破之

罷戊巳校尉官二月武陵澧中蠻叛

武陵郡今澧州水經曰澧水出

武陵充縣西歷山之北也

三月甲寅山陽東平地地震巳巳詔曰朕

以無德奉承大業夙夜慄慄不敢荒寧

孔安國注尚書曰不敢荒

怠自安寧

而災異仍見與政相應朕既不明涉道日寡又

選舉乖實俗吏傷人官職耗亂刑罰不中可不憂與

昔仲弓季氏之家臣子游武城之小宰孔子猶誨以

賢才問以得人

論語仲弓為季氏宰問政子曰赦小

曰汝得人焉耳乎

明政無大小以得人為本夫鄉舉里選必

累功勞今刺史守相不明真偽茂才孝廉歲以百數

既非能顯而當授之政事甚無謂也每尋前世舉人

貢士或起眵畝不繫閹閱

說文曰眵田中之溝音工大反史記曰明其等曰閹

積其功曰閱言前代舉人務取賢才不拘門地

敷奏以言則文章可採明試

以功則政有異迹

敷陳奏進也令各陳進其言則知其能也尚書曰敷奏以言明試

以功則政之類

文質彬彬朕甚嘉之

彬彬雜半之貌

其令太傅三公

中二千石二千石郡國守相舉賢良方正能直言極

諫之士各一人夏五月辛酉初舉孝廉郎中寬博有

謀任典城者以補長相

任堪使也典主也長謂縣長相謂侯相

秋七月

辛亥詔以上林池籟田賦與貧人

籟禁苑也音語前書音義曰折竹以

繩懸連之使人不得往來謂之籟八月庚寅有星孛于天市史記曰房為天

駟東北曲十二星曰旗旗中四星曰天市九月永昌哀牢夷叛冬十月武陵郡兵討叛蠻破降之十一月阜陵王延謀反貶為阜陵侯

二年春三月辛丑詔曰比年陰陽不調饑饉屢臻深惟先帝憂人之本本謂稼穡詔書曰不傷財不害人誠欲元元去末歸本而今賢戚近親奢縱無度嫁娶送終尤為僭侈有司廢典莫肯舉察春秋之義以貴理賤今自三公竝宜明糾非法宣振威風朕在弱冠未知稼穡之艱難區區管窺豈能照一隅哉史記扁鵲曰以管窺天以

隙視其科條制度所宜施行在事者備為之禁先京師而後諸夏公羊傳曰春秋內中國而外諸夏內諸侯而外夷狄王者欲一乎天下曷以內外之辭言自近者始也○劉敞曰注案公羊本文曷為以內外之辭言之言自近者始也少之言二字

甲辰罷伊吾盧屯兵永平十六年置永昌越雋益州三郡民夷討哀牢破平之夏四月戊子詔還坐楚淮陽事徙者四百餘家令歸本郡癸巳詔齊相省冰統方空穀

吹綸絮統素也冰言色鮮潔如冰釋名曰穀紗也方空者紗薄如空也或曰空孔也即今之方目也前書曰齊有三服官故詔齊相罷之六月燒當

也前書曰齊有三服官故詔齊相罷之

後漢書卷三十一 章帝紀
九
羗叛金城太守郝崇討之敗績羗遂寇漢陽秋八月遣行車騎將軍馬防討平之十二月戊寅有星孛于紫宮

三年春正月己酉宗祀明堂禮畢登靈臺望雲物大赦天下三月癸巳立貴人竇氏為皇后賜爵人二級三老孝悌力田人三級民無名數及流民欲占者人一級鰥寡孤獨篤癯貧不能自存者粟人五斛夏四月己巳罷常山呼沱石臼河漕石臼河名也在今定州唐縣東北時鄧訓上言此漕難成遂罷之漕水運也音才到反行車騎將軍馬防破燒當羗

班超

於臨洮

臨洮縣名屬隴西郡即今岷山之州

閏月西域假司馬班超擊

姑墨大破之

姑墨西域國名去長安八千一百五十里

冬十二月丁酉以

馬防為車騎將軍武陵淩中蠻叛

淩水名音婁源出今澧州崇義縣西

北是歲零陵獻芝草

四年春二月庚寅太尉牟融薨夏四月戊子立皇子慶為皇太子賜爵人二級三老孝悌力田人三級民無名數及流人欲自占者人一級鰥寡孤獨篤癯貧不能自存者粟人五斛己丑徙鉅鹿王恭為江陵王汝南王暢為梁王常山王昞為淮陽王辛卯封皇子

伉音抗為千乘王全為平春王平春縣屬江夏郡五月丙辰車

騎將軍馬防罷甲戌司徒鮑昱為太尉南陽太守桓

虞為司徒虞字仲春馬翊人六月癸丑皇太后馬氏崩秋七

月壬戌葬明德皇太后冬牛大疫十一月壬戌詔曰

蓋三代導人教學為本前書曰三代之道鄉里有漢教夏曰校殷曰庠周曰序

承暴秦褒顯儒術建立五經為置博士其後學者精

進雖曰承師亦別名家言雖承一師之業其後觸類而長更為章句則別為一家

之學孝宣皇帝以為去聖久遠學不厭博故遂立大小

夏侯尚書後又立京氏易大小夏侯謂夏侯勝勝從京氏建也京氏京房也

至建武中復置顏氏嚴氏春秋大小戴禮博士嚴氏謂嚴

彭祖顏氏謂顏安樂大小戴戴德戴聖也此皆所以扶進微學尊廣道藝

也中元元年詔書五經章句煩多議欲減省至永平

元年長水校尉儵樊儵奏言先帝大業當以時施行欲

使諸儒共正經義頗令學者得以自助孔子曰學之

不講是吾憂也又曰博學而篤志切問而近思仁在

其中矣論語文也講猶習也篤厚也志記也言人能博涉學而後識之切問於已所未悟之事近思已所能及之事好學亦仁之一分故仁在其中矣

於戲其勉之哉於是下太

常將大夫博士議郎郎官博士屬太常故云下及諸生諸儒會

白虎觀講議五經同異使五官中郎將魏應承制問

續漢志曰五官中郎將比二千石侍中淳于恭奏帝親稱制臨決如

孝宜甘露石渠故事前書甘露二年詔諸儒講五經異同蕭望之等平奏其議上親

制臨決焉又曰施讐甘露中論五經於石渠閣三輔故事曰石渠閣在未央殿北藏秘書之所作白

虎議奏今白虎通是歲甘露降泉陵洮陽二縣二縣屬零陵郡泉陵

城在今永州零陵縣北洮陽故城在今湘源縣西北

五年春二月庚辰朔日有食之詔曰朕新離供養去

馬太后崩愆咎衆著上天降異大變隨之詩不云乎亦孔

之醜詩小雅曰朔月辛卯日有食之醜孔甚也醜惡也又久旱傷麥憂心

慘切公卿已下其舉直言極諫能指朕過失者各一

人遣詣公車將親覽問焉其以巖穴為先勿取浮華

前書鄒陽曰顯巖穴之士甲申詔曰春秋書無麥苗重之也春秋莊公

七年秋大水無麥苗公羊傳曰一災不書待無麥然後書無苗何休注曰不書穀至麥苗獨書人食最重也

去秋雨澤不適今時復旱如炎如焚炎焚言熱氣甚韓詩旱魃

為虐如炎如焚凶年無時而為備未至朕之不德上累三光

震慄忉忉痛心疾首忉音刀詩曰憂心忉忉又曰疚如疾首前代聖君

博思咨諏咨諏謀也音子余反雖降災咎輒有開匱反風之應

武王有疾周公作請命之書藏於金匱後管蔡流言成王疑周公天乃大風禾木盡偃成王啓金匱得書

乃郊天謝過天乃反風起禾事見尚書

今予小子徒慘慘而已其令二

千石理冤獄錄輕繫禱五嶽四瀆及名山能興雲致

雨者冀蒙不崇朝徧雨天下之報尚書大傳曰五嶽皆觸石出雲膚寸

而合不崇朝而雨天下務加肅敬焉三月甲寅詔曰孔子曰刑

罰不中則人無所措手足今吏多不良擅行喜怒或

案不以罪迫脅無辜致令自殺者一歲且多於斷獄

甚非為人父母之意也書曰元后作人父母有司其議糾舉之

荆豫諸郡兵討破武陵淩中叛蠻夏五月辛亥詔曰

朕思遲直士側席異聞遲猶希望也音持二反側席謂不正坐所以待賢良也

其先至者各以發憤吐瀉畧聞子大夫之志矣皆欲

置於左右顧問省納建武詔書又曰堯試臣以職不

直以言語筆札書舜典曰朕其試哉又曰歷試諸難札簡也今外官多曠

竝可以補任戊辰太傅趙熹薨冬始行月令迎氣樂

東觀記曰馬防上言聖人作樂所以宣氣致和順陰陽也臣愚以為可因歲首發太簇之律奏雅頌之音

以迎和氣時以作樂器費多遂獨行十月迎氣樂也是歲零陵獻芝草有八黃

龍見於泉陵伏侯古今注曰見零陵泉陵湘水中相與戲其大二大如馬有角六枚大如駒無

角西域假司馬班超擊疏勒破之

六年春二月辛卯琅邪王京薨夏五月辛酉趙王盱

班超

薨六月丙辰太尉鮑昱薨辛未晦日有食之秋七月
癸巳以大司農鄧彪為太尉

七年春正月沛王輔濟南王康東平王蒼中山王焉
東海王政琅邪王宇來朝夏六月甲寅廢皇太子慶

為清河王立皇子肇為皇太子己未徙廣平王羨為
西平王秋八月飲酎高廟禘祭光武皇帝孝明皇帝

前書高廟飲酎奏武德五行之舞音義云正月旦作
酒八月成名曰酎酎者言醇也武帝時因八月嘗酎
令諸侯出金助祭所謂酎金也丁孚漢儀式曰九真
交趾日南者用犀角二長九寸若瑊瑁甲一鬘林用
象牙一長三尺已上若甲辰詔書云劉攽曰案祖
翠羽各二十準以當金文少一曰字

考來假明哲之祀假音格格至也尚書夔曰於予擊
石拊石搏拊琴瑟以詠祖考來格

言明哲祭祀則能
致祖考之神來至予末小子質又菲薄仰惟先帝烝

烝之情前修禘祭以盡孝敬朕得識昭穆之序寄遠

祖之思今年大禮復舉加以先帝之坐言顯宗神坐
今新加之

悲傷感懷樂以迎來哀以送往雖祭亡如在而空虛

不知所裁庶或饗之豈亡克慎肅雍之臣辟公之相

肅敬雍和相助也詩大雅曰有來雍雍至止肅肅相
維辟公天子穆穆言百辟諸侯來助祭皆有肅雍之
德無懈
慢也皆助朕之依依依依思
慕之意今賜公錢四十萬卿

半之及百官執事各有差九月甲戌幸偃師東涉卷

津卷縣名屬河南郡也○卷音丘權反至河內下詔曰車駕行秋稼觀

收穫因涉郡界皆精騎輕行無它輜重不得輒修橋

道遠離城郭遣吏逢迎刺探起居刺探謂候伺也○探音湯勘反出

入前後以為煩擾動務省約但患不能脫粟瓢飲耳

晏子相齊食脫粟之飯孔子曰顏回一瓢飲所過欲令貧弱有利無違詔

書遂覽淇園前書音義曰淇園衛之苑也已酉進幸鄴勞饗魏郡

守令已下至于三老門闌走卒賜錢各有差勞賜常

山趙國吏人復元氏租賦三歲辛卯車駕還宮詔天

下繫囚減死一等勿笞詣邊戍妻子自隨占著所在

父母同產欲相從者恣聽之有不到者皆以乏軍興

論軍興而致闕乏當死刑也及犯殊死一切募下蠶室其女子宮

繫囚鬼薪白粲已上前書曰鬼薪白粲已上皆三歲刑也男子為鬼薪取薪以給宗

廟女子為白粲使擇米白粲粲然皆減本罪各一等輸司寇作亡命

贖死罪入縑二十匹右趾至髡鉗城旦春十匹完城

旦至司寇三匹吏人有罪未發覺詔書到自告者半

入贖冬十月癸丑西巡狩幸長安丙辰祠高廟遂有

事十一陵遣使者祠太上皇於萬年太上皇高祖父也名煇音它官

反一名執嘉三輔黃圖曰高祖初都洛陽太上皇崩葬櫟陽北原陵號萬年仍令置萬年縣在今櫟陽東

北故祭祀焉

以中牢祠蕭何霍光進幸槐里岐山得銅器形似酒罇獻之又獲白鹿帝曰上無明天子下無賢

方伯已見明帝紀

人之無良相怨一方

詩小雅也良善也言王者所為無有

善者各相與於一方而怨之義見韓詩

斯器亦曷為來哉

公羊傳曰孔子抱麟而泣

曰孰為來哉孰為來哉

又幸長平御池陽宮

前書音義曰長平坂在池陽南有長

平觀去長安五十餘里

東至高陵造舟於涇而還

造至也謂次比舟令相至

為橋而度也爾雅曰天子造舟諸侯維舟大夫方舟士特舟

每所到幸輒會郡縣吏人勞賜作樂十一月詔勞賜河東守令掾以下十

二月丁亥車駕還宮是歲京師及郡國螟

八年春正月壬辰東平王蒼薨三月辛卯葬東平憲

王賜鑾輅龍旂夏六月北匈奴大人率眾款塞降冬

十二月甲午東巡狩幸陳畱梁國淮陽潁陽戊申車

駕還宮詔曰五經剖判去聖彌遠章句遺辭乖疑難

正恐先師微言將遂廢絕非所以重稽古求道真也

其令羣儒選高才生受學左氏穀梁春秋古文尚書

毛詩以扶微學廣異義焉是歲京師及郡國螟

元和元年春正月中山王焉來朝日南徼外蠻夷獻

生犀白雉劉欣明交州記曰犀其毛如豕蹠有三甲頭如馬有三角鼻上角短額上頭上角長

異物志曰角中特有光耀白理如線自本達末則為通天犀

閏月辛丑濟陰王長

薨二月甲戌詔曰王者八政以食為本

尚書洪範八政一曰食是

為政本

故古者急耕稼之業致耒耜之勤

耒耜農器也耒其柄耜其

節用儲蓄以備凶災是以歲雖不登而人無饑色

自牛疫已來穀食連少良由吏教未至刺史二千石

不以為負

負猶憂也

其令郡國募人無田欲徙它界就肥

饒者恣聽之到在所賜給公田為雇耕傭債種餉

餉糧

也古餉字音式上反

貫與田器勿收租五歲除算三年其後欲

還本鄉者勿禁夏四月己卯分東平國封憲王蒼子

尚為任城王六月辛酉沛王輔薨秋七月丁未詔曰

律云掠者唯得榜笞立

蒼頡篇曰掠問也廣雅曰榜擊也音彭說文曰笞擊也立

謂立而拷訊之

又令丙筮長短有數

令丙為篇之次也前書音義曰令有先後有令

甲令乙令丙又景帝京師定筮令筮長五尺本大一寸其竹也未薄半寸其平去節故云長短有數也

劉敞曰注景帝京師定筮令案景帝定令行於天下不止京師京師衍字也蓋景似京師似帝因爾誤出

自往者大獄已來掠考多酷鉗鑽之屬

大獄謂楚王英等事也鉗

音其廉反說文曰鉗鉞也國語曰中刑用鑽鑿皆謂慘酷其肌膚也

慘苦無極念其痛

毒怵然動心書曰鞭作官刑豈云若此

孔安國注尚書曰以鞭為

理官事之刑

宜及秋冬理獄明為其禁八月甲子太尉鄧

彪罷大司農鄭弘為太尉癸酉詔曰朕道化不德吏政失和元元未諭抵罪於下寇賊爭心不息邊野邑屋不修修或作充永惟庶事思稽厥衷與凡百君子共弘斯道中心悠悠將何以寄其改建初九年為元和元年郡國中都官繫囚減死一等勿笞詣邊縣妻子自隨占著在所其犯殊死一切募下蠶室其女子宮繫囚鬼薪白粲以上皆減本罪一等輸司寇作亡命者贖各有差丁西南巡狩詔所經道上郡縣無得設儲時儲積也時具也言不預有蓄備命司空自將徒支柱橋梁柱音竹主反

有遣使奉迎探知起居二千石當坐其賜鰥寡孤獨不能自存者粟人五斛九月乙未東平王忠薨辛丑幸章陵祠舊宅園廟見宗室故人賞賜各有差冬十月己未進幸江陵詔廬江太守祠南嶽又詔長沙零陵太守祠長沙定王春陵節侯鬱林府君還幸宛十一月己丑車駕還宮賜從者各有差十二月壬子詔曰書云父不慈子不祗兄不友弟不恭不相及也也左傳胥臣云康誥曰父不慈子不祗兄不友弟不恭不相及也今康誥之言事同而文異往者敬祗妖言大獄所及廣遠一人犯臯禁至三屬即三族也謂父族母

族及妻族莫得垂纓仕宦王朝如有賢才而沒齒無用朕

甚憐之非所謂與之更始也諸以前妖惡禁錮者一

皆蠲除之左傳曰以重幣錮之杜預注曰禁錮勿令仕也以明棄咎之路但

不得在宿衛而已

二年春正月乙酉詔曰令云人有產子者復勿筭三

歲令諸懷姙者說文曰姙孕也賜胎養穀人三斛復其夫勿

筭一歲著以為令又詔三公曰方春生養萬物葶甲

前書音義曰葶葉裹白皮也易曰百果甲拆也宜助萌陽以育時物其令有

司罪非殊死且勿案驗及吏人條書相告不得聽受

條事條也冀以息事寧人敬奉天氣立秋如故夫俗吏矯

飾外貌似是而非揆之人事則悅耳論之陰陽則傷

化朕甚饜之甚苦之安靜之吏悃悃無華說文云悃悃至誠也

悃音苦本反日計不足月計有餘莊子曰有庚桑子者偏得老聃之道

以居岷壘之山岷壘之人相與云庚桑子之始來吾酒然異之今吾日計之不足歲計之有餘庶幾其聖

人如襄城令劉方方字伯况平原人吏人同聲謂之不煩雖

未有它異斯亦殆近之矣間敕二千石各尚寬明而

今富姦行賂於下貪吏枉法於上使有罪不論而無

過被刑甚大逆也夫以苛為察以刻為明以輕為德

以重為威四者或興則下有怨心吾詔書數下冠蓋接道而吏不加理人或失職其咎安在勉思舊令稱

朕意焉二月甲寅始用四分歷續漢書曰時待詔張盛京房鮑業等以四分

分歷請與待詔楊岑等共課歲餘盛等所中多四分之歷始頗施行詔曰今山川鬼神

應典禮者尚未咸秩咸皆也秩序也言山川之神尚未次序而祭之書曰咸秩無文

其議增修羣祀以祈豐年丙辰東巡狩己未鳳皇集

肥城肥城縣名屬太上郡故城在今濟州平陰縣東南乙丑帝耕於定陶詔

曰三老尊年也孝悌淑行也力田勤勞也國家甚休

之其賜帛人一匹勉率農功使使者祠唐堯於成陽

靈臺

成陽縣屬濟陰郡郭緣生述征記曰成陽縣東南有堯母慶都墓上有祠廟堯母陵俗亦名靈

臺大

辛未幸太山柴告岱宗有黃鵠三十從西南來

經祠壇上東北過于宮屋翱翔升降進幸奉高壬申

宗祀五帝于汶上明堂前書曰濟南人公玉帶上黃帝時明堂圖中有一殿四面

無壁以茅蓋通水水圜宮垣為複道上有樓從西南入名曰崑崙以拜祀上帝於是上作明堂於汶上如

帶圖焉汶水出太山朱虛縣萊蕪山癸酉告祠二祖四宗二祖謂高祖世祖四宗謂

文帝為太宗武帝為世宗宣帝為中宗明帝為顯宗太會外內羣臣丙子詔曰

朕巡狩岱宗柴望山川告祠明堂以章先勲其二王

之後禮記曰存二王之後尊賢不過二代公羊傳曰存二王之後所以通三王也漢之二王殷周之

後先聖之胤東觀記曰孔子後褒成侯等咸來助祭東后蕃衛東后謂東方國

君也諸侯為天子蕃屏故曰蕃衛伯父伯兄仲叔季弟幼子童孫尚書

呂刑文皆天子同姓諸侯有父叔兄弟子孫列者故總而同之百僚從臣宗室衆子

要荒四裔要荒二服名要服去王城二千里荒服去王城二千五百里要者言可要束以文教

荒者言其荒忽無常也喬遠也謂荒服之外也沙漠之北葱嶺之西西河舊事曰葱

嶺山名在敦煌西其山高大多葱故以為名焉冒彫之類字書曰彫多須貌音而言須鬚多蒙

冒其面或曰西域人多著跋涉懸度草行曰跋水行日涉左傳子太

冒而長故舉以為言也叔曰跋涉山川西域傳曰懸度者石山也谿谷不陵

通以繩索相引而度去陽關五千八百五十里跋涉懸度日涉左傳子太

踐阻絕駿奔郊時駿疾也音俊尚書駿奔走在廟郊時祭天處也前書音義曰時神靈

之居上者咸來助祭祖宗功德延及朕躬予一人空虛多

疾纂承尊明疾病也纂繼也盥洗享薦慙愧祗慄詩不云乎

君子如祉亂庶遄已詩小雅遄速也已止也祉福也鄭玄注云福者福賢者謂爵祿

之也如此則亂亦庶幾可疾止也歷數既從靈耀著明歷數既從謂行四分歷也

靈耀著明謂日月貞明亦欲與士大夫同心自新其大赦天下

諸犯罪不當得赦者皆除之復博奉高麗無出今年

田租芻橐戊寅進幸濟南濟南縣名故城在今淄州長山縣西北三月

已丑進幸魯祠東海恭王陵庚寅祠孔子於闕里及

七十二弟子賜褒成侯及諸孔男女帛壬辰進幸東

平祠憲王陵陵在今鄆州須昌縣東甲午遣使者祠定陶太后

恭王陵太后即元帝傳昭儀也定陶恭王康其陵在今曹州濟陰縣北乙未幸東阿

北登太行山至天井關在今澤州晉城縣南今太行山上關南有天井泉三所也

夏四月乙巳客星入紫宮乙卯車駕還宮庚申假于

祖禰假至也音格禰父廟易曰王假有廟告祠高廟五月戊申詔曰乃

者鳳皇黃龍鸞鳥比集七郡孫柔之瑞圖曰鸞鳥者赤神之精鳳皇之佐雞

身赤尾色亦被五彩鳴中五音人君進退有度親疏有序則至也比類也或一郡再見及

白鳥神雀甘露屢臻祖宗舊事或班恩施武帝時芝草生于甘

泉宮宣帝時嘉穀玄稷降于郡國神雀仍集皆大赦天下其賜天下吏爵人三級

高年鰥寡孤獨帛人一匹經曰無侮鰥寡惠此乳獨

加賜河南女子百戶牛酒前書音義蘇林曰男子賜爵女子賜牛酒姚察云女

子謂賜爵者之妻史記封禪書百戶牛一頭酒十石臣賢案此女子百戶若是戶頭之妻不得更稱為戶

此謂女戶頭即今之女戶也天下稱慶恩當普洽所以男戶賜爵女子賜牛酒令天下大酺

五日賜公卿已下錢帛各有差及洛陽人當酺者布

戶一匹城外三戶其一匹賜博士員弟子見在太學

者布人三匹令郡國上明經者口十萬以上五人不

滿十萬三人改廬江為六安國江陵復為南郡建初四年

改為江陵國今又復之徙江陵王恭為六安王秋七月庚子詔

曰春秋於春每月書王者重三正慎三微也

三正謂天地人

之正所以有三者由有三微之月王者所當奉而成之禮記曰正朔三而改文質再而復三微者三正之始萬物皆微物色不同故王者取法焉十一月時陽氣始施於黃泉之下色皆赤赤者陽氣故周為天正色尚赤十二月萬物始牙而色白白者陰氣故殷為地正色尚白十三月萬物莩甲而出其色皆黑黑者得加功展業故夏為人正色尚黑尚書大傳曰夏十三月為正平旦為朔殷以十二月為正雞鳴為朔周以十一月為正夜半為朔必以三微之月為正者當爾之時物皆尚微王者受命當扶微理弱奉成之義也

律十二月立春不以報囚

報猶論也立春陽氣至可以施生故不論囚

令冬至之後有順陽助生之文

月令仲冬是月也日短至陰陽爭諸生蕩

君子身欲寧事欲靜以待陰陽之所定也

而無鞠獄斷刑之政朕咨訪儒

雅稽之典籍以為王者生殺宜順時氣其定律無以

十一月十二月報囚九月壬辰詔鳳皇黃龍所見亭

部無出二年租賦

東觀記曰鳳皇見肥城句窳亭槐樹上古今注云黃龍見洛陽元延

亭部窳音庾

加賜男子爵人二級先見者帛二十匹近者

三匹太守三十匹令長十五匹丞尉半之詩云雖無

德與汝式歌且舞

詩小雅也取雖無大德要有喜悅之心欲歌舞也式用也

它如

賜爵故事丙申徵濟南王康中山王焉會烝祭冬十

一月壬辰日南至初閉關梁

易曰先王以至日閉關商旅不行王弼注曰冬

至陰之復夏至陽之復故為復即至於寂然大靜先王則天地而行者也

三年春正月乙酉詔曰蓋君人者視民如父母有憐

怛之憂有忠和之教匍匐之救周禮鄉司徒以鄉三物教萬民一曰六德

謂智仁聖義忠和詩邶風曰凡民有喪匍匐救之其嬰兒無父母親屬及有

子不能養食者稟給如律丙申北巡狩濟南王康中

山王焉西平王羨六安王恭樂成王黨淮陽王昞任

城王尚沛王定皆從辛丑帝耕于懷二月壬寅告常

山魏郡清河鉅鹿平原東平郡太守相曰朕惟巡狩

之制以宣聲教考同遐邇解釋結寃也今四國無政

不用其良詩小雅曰日月告凶不用其行四國無政不用其良言四方之國無政者由天子不

用善人也駕言出游欲親知其劇易前祠園陵遂望祀華

霍華霍山名也今在廬江鬻縣西南亦名天柱山爾雅曰華山為西嶽霍山為南嶽東柴岱

宗為人祈福今將禮常山遂徂北土歷魏郡經平原

升踐隄防詢訪耆老咸曰往者汴門未作浚者成淵

淺則泥塗追惟先帝勤人之德謂永平十二年修汴渠底績遠

圖復禹弘業尚書曰覃懷底績孔安國注云底置績功也遠圖猶長筭也言能復禹為理水

之大聖跡滂流至于海表不克堂構朕甚慙焉尚書曰若

考作室既底法厥子乃不肯堂矧肯構月令孟春善相丘陵土地所宜

月令孟春之月善相丘陵阪險原隰土地所宜五穀所殖以教導人必躬親之田事既飭今肥田

尚多未有墾闢其悉以賦貧民給與糧種務盡地力

勿令游手所過縣邑聽半入今年田租以勸農夫之

勞乙丑敕侍御史司空曰方春所過無得有所伐殺

車可以引避引避之駢馬可輟解輟解之夾轅者為服馬服馬

外為駢馬詩云敦彼行葦牛羊勿踐履詩大雅云鄭玄注曰敦敦然道旁之

葦牧牛羊者無使踐履折傷之况於人乎禮人君伐一草木不時謂之不

孝禮記孔子曰伐一樹殺一獸不以其時非孝也俗知順人莫知順天其明

稱朕意戊辰進幸中山遣使者祠北嶽出長城史記蒙恬

為秦築長城西自臨洮東至海癸酉還幸元氏祠光武顯宗於縣舍

正堂明日又祠顯宗于始生堂皆奏樂明帝生于常山元氏傳舍

也三月丙子詔高邑令祠光武卽位壇復元氏七年

徑役已卯進幸趙庚辰祠房山於靈壽靈壽縣名屬常山郡今恒

州縣也房山在今恒州房山縣縣西北俗名王母山上有王母祠辛卯車駕還宮賜

從行者各有差夏四月丙寅太尉鄭弘免大司農宋

由為太尉由字叔路長安人五月丙子司空第五倫罷太僕

袁安為司空秋八月乙丑幸安邑觀鹽池許慎云河東鹽池

五十一里廣七里周百一十六里今蒲州虞鄉縣西九月至自安邑冬十月北

海王基薨燒當羗叛寇隴西是歲西域長史班超擊

班超

斬䟽勒王

章和元年春三月護羗校尉傅育追擊叛羗戰歿夏

四月丙子令郡國中都官繫囚減死一等詣金城戍

六月戊辰司徒桓虞免癸卯司空袁安為司徒光祿

勲任隗為司空桓虞字仲春馮翊萬年人隗字仲和南陽宛人秋七月癸卯

齊王晃有罪貶為蕪湖侯蕪湖縣名屬丹陽故城在今宣州當塗縣東南壬

子淮陽王昞薨鮮卑擊破北單于斬之燒當羗寇金

城護羗校尉劉盱討之斬其渠帥壬戌詔曰朕聞明

君之德啓迪鴻化緝熙康乂光照六幽緝熙光明也六幽謂六合

幽隱之處也

訖惟人面靡不率俾仁風翔于海表威靈行

乎鬼區鬼區即鬼方

然後敬恭明祀膺五福之慶獲來儀

之貺

尚書五福一曰壽二曰富三曰康寧四曰攸好德五曰考終命來儀謂鳳也書曰鳳皇來儀

朕以不德受祖宗弘烈乃者鳳皇仍集麒麟竝臻甘

露宵降嘉穀滋生芝草之類歲月不絕朕夙夜祗畏

上天無以彰于先功今改元和四年為章和元年秋

令是月養衰老授几杖行糜粥飲食月令仲秋之令其賜高

年二人共布帛各一匹以為醴酪死罪囚犯法在丙

子赦前而後捕繫者皆減死勿笞詣金城戍八月癸

西南巡狩壬午遣使者祠昭靈后於小黃園小黃縣屬陳留

郡故城在今汴州陳留縣東北漢書儀曰昭靈后高祖母起兵時死小黃北後為作園廟于小黃柵陳留風俗傳曰沛公起兵野戰喪皇妣于黃鄉天下平定仍使使者以梓宮招魂幽野於是丹蛇在水自洒濯之入于梓宮其浴處有遺髮故謚曰昭靈夫人甲申徵任城王尚會睢陽戊

子幸梁巳丑遣使祠沛高原廟豐粉榆社前書音義曰粉白榆

高祖里社在豐縣東北十五里原廟解見光武紀乙未幸沛祠獻王陵徵會

東海王政乙未晦日有食之九月庚子幸彭城東海

王政沛王定任城王尚皆從辛亥幸壽春壬子詔郡

國中都官繫囚減死罪一等詣金城戍犯殊死者一

切募下蠶室其女子宮繫囚鬼薪白粲已上減罪一

等輸司寇作亡命者贖死罪縑二十四右趾至髡鉗

城旦春七匹完城旦至司寇三匹吏民犯罪未發覺

詔書到自告者半入贖復封阜陵侯延為阜陵王巳

未幸汝陰縣名屬汝南郡今潁州縣冬十月丙子車駕還宮北匈

奴屋蘭儲等率眾降是歲西域長史班超擊莎車大

破之月氏國遣使獻扶拔師子扶拔似麟無角拔音步末反

二年春正月濟南王康阜陵王延中山王焉來朝壬

辰帝崩於章德前殿年三十三遺詔無起復廟一如

班超

先帝法制

論曰魏文帝稱明帝察察章帝長者以上華嶠之辭章帝素

知人厭明帝苛切事從寬厚感陳寵之義除慘獄之

科寵時為尚書以吏政嚴切乃上書除慘酷之科五十餘條具本傳也深元元之愛著

胎養之令元和二年令諸懷姙者賜穀人三斛奉承明德太后盡心孝

道割裂名都以崇建周親周至也平徭簡賦而人賴其

慶又體之以忠恕文之以禮樂故乃蕃輔克諧羣后

德讓謂之長者不亦宜乎在位十三年郡國所上符

瑞合於圖書者數百千所烏呼懋哉懋美也

贊曰肅宗濟濟天性愷悌於穆后德諒惟淵體於穆歎美也

也尚書曰齊聖廣淵也左右藝文斟酌律禮藝文謂諸儒講五經同異帝親稱制

論決也律謂詔云立春不以報囚也禮謂脩禘祫登靈臺之屬思服帝道弘此長懋

儒館獻歌戎亭虛候獻歌謂崔駰游太學時上四巡等頌氣調時豫憲

平人富

四十二年八月四日大暑夕五

後漢書卷之四

和帝殤帝紀第四

孝和皇帝諱肇

諡法曰不剛不柔曰和伏侯古今注曰肇之字曰始肇音兆臣賢案許慎

說文肇音大可反上諱也但伏侯許慎並漢時人而帝諱不同蓋應別有所據肅宗第四子

也母梁賢人為竇王后所譖憂卒竇后養帝以為已

子建初七年立為皇太子章和二年二月壬辰即皇

帝位年十歲尊皇后曰皇太后太后臨朝三月丁酉

改淮陽為陳國

今陳州

楚郡為彭城國

今徐州

西平并汝

南郡

西平縣故柏子國也在今豫州吳房縣西北

六安復為廬江郡

即今廬州

盧江縣西遺詔徙西平王羨為陳王六安王恭為彭

城王癸卯葬孝章皇帝于敬陵在洛陽城東南三十里古今注曰陵周

三百步高六丈二尺庚戌皇太后詔曰先帝以明聖奉承祖宗

至德要道天下清靜庶事咸寧今皇帝以幼年熒熒

在疚疚病也熒熒然在憂病之中也朕且佐助聽政

外有大國賢王竝為藩屏內有公卿大夫統理本朝

恭已受成夫何憂哉孔子曰舜何為哉恭已正南面而已尚書曰予小子垂拱仰成

然守文之際必有內輔以參聽斷侍中憲朕之元兄

行能兼備忠孝尤篤先帝所器親受遺詔當以舊典

輔斯職焉憲固執謙讓節不可奪今供養兩宮兩宮謂帝

宮太宿衛左右厥事已重亦不可復勞以政事故太

尉鄧彪元功之族三讓彌高元功謂高密侯禹也彪父邯中興初有功封鄆

侯父卒彪讓國異母弟鳳論語曰泰伯三以天下讓民無得而稱焉鄭玄注云太伯周太王之長子欲讓

其弟季歷太王有疾太伯因適吳越採藥太王薨而不返季歷為喪主一讓也季歷赴之不來奔喪二讓也終喪之後遂斷髮文身三讓也海內歸仁為羣賢

彪讓封弟故以比之卿音莫杏反海內歸仁為羣賢

首先帝褒表欲以崇化今彪聰明康疆可謂老成黃

耆矣老成言老而有成德也詩大雅曰雖無老成人黃謂髮落更生黃者耆亦老也詩序曰外尊事

黃莫以彪為太傅賜爵關內侯錄尚書事百官總已

以聽古者君在諒闇百官總已之職事以聽于冢宰錄尚書事則冢宰之任也朕庶幾得

專心內位於戲羣公其勉率百僚各修厥職愛養元

元綏以中和稱朕意焉辛酉有司上奏孝章皇帝崇

弘鴻業德化普洽垂意黎民留念稼穡文加殊俗武

暢方表戒惟人面無思不服巍巍蕩蕩莫與比隆魏魏

乎其有成功蕩蕩乎人無能名焉孔子美帝堯之詞見論語周頌曰於穆清廟肅

雝顯相清廟又王廟也於穆歎美之詞言助祭者禮儀敬且和也請上尊廟曰肅

宗共進武德之舞制曰可癸亥陳王羨彭城王恭樂

成王黨下邳王衍梁王暢始就國建初二年章帝不忍與諸王乖離皆

留京師今夏四月丙子謁高廟丁丑謁世祖廟戊寅

詔曰昔孝武皇帝致誅吳越故權收鹽鐵之利武帝使孔

僅東郭咸陽乘傳舉行天下鹽鐵作官府收利私家更不得鑄鐵煮鹽以奉師旅之費

自中興以來匈奴未賓永平末年復修征伐先帝即

位務休力役然猶深思遠慮安不忘危探觀舊典復

收鹽鐵欲以防備不虞寧安邊境而吏多不良動失

其便以違上意先帝恨之故遺戒郡國罷鹽鐵之禁

縱民鑄煮入稅縣官如故事前書音義曰縣官謂天子其申敕刺

吏二千石奉順聖旨勉弘德化布告天下使明知朕

意五月京師旱詔長樂少府桓郁侍講禁中長樂宮之少府

也郁桓榮子也冬十月乙亥以侍中竇憲為車騎將軍伐北

匈奴安息國遣使獻師子扶拔扶拔解見章帝紀

永元元年春三月甲辰初令郎官詔除者得占丞尉

以比秩為真漢官儀曰羽林郎出補三百石丞尉自占丞尉小縣丞尉三百石其次四百石

比秩為真皆所以優之○劉放曰案文云丞尉小縣三百石其次四百石已足不當更有丞尉字夏

六月車騎將軍竇憲出雞鹿塞今在朔方窳渾縣北關駟十三州志云窳

度遼將軍鄧鴻出柘陽塞柘陽

南單于出滿夷谷滿夷谷關與

北匈奴戰于稽落山大破之追至和渠北鞬海竇憲

遂登燕然山刻石勒功而還北單于遣弟右溫禺鞬

王○鞬音丁兮反奉奏貢獻秋七月乙未會稽山崩閏月丙

子詔曰匈奴背叛為害久遠賴祖宗之靈師克有捷

醜虜破碎遂掃厥庭詩曰仍執醜虜庭謂單于所常居也役不再籍猶言

不籍再舉萬里清蕩非朕小子眇身所能尅堪有司其案

舊典告類薦功以章休烈類祭天也書曰類于上帝薦進也以功進告於天

九月庚申以車騎將軍竇憲為大將軍以中郎將劉

尚為車騎將軍冬十月令郡國弛刑輸作軍營其徒

Onset 溫禺鞬

出塞者○劉敞曰案遷徙者不可投之塞外明此徒字是徙字刑雖未竟皆免

歸田里庚子阜陵王延薨是歲郡國九大水

二年春正月丁丑大赦天下二月壬午日有食之東觀

記曰史官不覺涿郡言之已亥復置西河上郡屬國都尉官前書西河

郡美稷縣上郡龜茲縣並有屬國都尉其秩比二千石十三州志曰典屬國武帝置掌納匈奴降者也哀

帝省并大鴻臚夏五月庚戌分太山為濟北國分樂

成涿郡勃海為河間國丙辰封皇弟壽為濟北王開

為河間王淑為城陽王紹封故淮陽王昞子側為常

山王賜公卿以下至佐史錢布各有差已未遣副校

尉閭龔討北匈奴取伊吾廬地丁卯紹封故齊王晃

子無忌為齊王北海王睦子威為北海王車師前後

王竝遣子入侍車師有後王前王即後王之其庭相去五百里月氏國

遣兵攻西域長史班超超擊降之六月辛卯中山王

焉薨秋七月乙卯大將軍竇憲出屯涼州九月北匈

奴遣使稱臣冬十月遣行中郎將班固報命南單于

遣左谷蠡王師子左谷蠡匈奴王號師子其名也○谷音鹿蠡音離出雞鹿

塞擊北匈奴於河雲北大破之

三年春正月甲子皇帝加元服元首也謂加冠於首儀禮冠者先筮日後

班超

帝賓東觀記曰時太后詔賜諸侯王公將軍特進漢

袁安為賓賜束帛乘馬儀曰諸侯功德優盛朝廷所敬異者賜位特進在三公下中二千石列侯宗室子

孫在京師奉朝請者黃金奉朝請無員三公外戚宗室諸侯多奉朝請漢律春

曰朝秋將大夫郎吏從官帛將謂五官及左右郎將也大夫謂光祿太中中

散諫議大夫也十三州志曰大夫皆掌顧問問賜民爵

及粟帛各有差大酺五日郡國中都官繫囚死罪贖

縑至司寇作及亡命各有差庚辰賜京師民酺布兩

戶共一匹二月大將軍竇憲遣左校尉耿夔出居延

塞居延縣屬張掖郡居延澤在東北武帝使伏波將軍路博德築遮虜障於居延城圍北單

于於金微山大破之獲其母闕氏闕氏匈奴后之號也音焉支夏

六月辛卯尊太后母比陽公主東海恭王疆女為長公主辛

丑阜陵王种薨阜陵王延之子冬十月癸未行幸長安詔曰

北狄破滅名王仍降仍頻也西域諸國納質內附豈非

祖宗迪哲重光之鴻烈歟迪蹈也言由祖宗蹈履明智有重光累聖之德成此

大業也書曰茲四人迪哲又曰宣重光也寤寐歎息想望舊京其賜行所

過二千石長吏以下及三老官屬錢帛各有差鰥寡

孤獨篤癯貧不能自存者粟人三斛十一月癸卯祠

高廟遂有事十一陵詔曰高祖功臣蕭曹為首有傳

世不絕之義曹相國後容城侯無嗣朕望長陵東門

見二臣之壠東觀記曰蕭何墓在長陵東司馬門道北百步廟記云曹參冢在長陵旁道北

近蕭何冢循其遠節每有感焉忠義獲寵古今所同可遣

使者以中牢祠大鴻臚求近親宜為嗣者須景風紹

封以章厥功續漢志曰大鴻臚掌封拜諸侯及其嗣春秋考異郵曰夏至四十五日景風至

則封其有功也十二月復置西域都護騎都尉戊巳校尉官

脫文

庚辰至自長安減弛刑徒從駕者刑五月

四年春正月北匈奴右谷蠡王於除鞬自立為單于

款塞乞降於除鞬其名也鞬音九言反遣大將軍左校尉耿夔授

璽綬東觀記曰賜玉具劔羽蓋車一駟中郎將持節衛護焉三月癸丑司徒袁

安薨閏月丁丑太常丁鴻為司徒夏四月丙辰大將

軍竇憲還至京師六月戊戌朔日有食之丙辰郡國

十三地震竇憲潛圖弑逆庚申幸北宮詔收捕憲黨

射聲校尉郭璜郭況子也東觀記曰璜作璲音同璜子侍中舉衛尉

鄧疊疊弟步兵校尉磊皆下獄死使謁者僕射續漢書曰

謁者僕射一人秩千石為謁者臺率主謁者天子出奉引也收憲大將軍印綬遣

憲及弟篤景就國到皆自殺是夏旱蝗秋七月巳丑

太尉宋由坐黨憲自殺八月辛亥司空任隗薨任光子也

癸丑大司農尹睦為太尉錄尚書事錄謂總領之也

始也丁巳賜公卿以下至佐史錢穀各有差冬十月已

亥宗正劉方為司空十二月壬辰詔今年郡國秋稼

為旱蝗所傷其什四以上勿收田租芻橐有不滿者

以實除之所損十不滿四者以見損除也武陵零陵澧中蠻叛燒當

羗寇金城

五年春正月乙亥宗祀五帝於明堂遂登靈臺望雲

物大赦天下戊子千乘王伉薨辛卯封皇弟萬歲為

廣宗王廣宗縣名今貝州宗城縣二月戊戌詔有司

省減內外殿及涼州諸苑馬說文曰殿馬舍也漢官儀曰未央大殿長樂承

華等殿令皆秩六百石又云牧師諸苑三十六所分置西北邊分養馬三十萬頭自京師離

宮果園上林廣成圃悉以假貧民恣得采捕不收其

稅丁未詔曰去年秋麥入少恐民食不足其上尤貧

不能自給者戶口人數往者郡國上貧民以衣履釜

鬻為貲而豪右得其饒利鬻音尋方言曰饒自關而東謂之鬻貧人既計釜饒

以為資財懼於役重多即賣之以避科稅豪富之家乘賤買故得其饒利詔書實覈說文云覈

考實也欲有以益之而長吏不能躬親反更徵召會聚

令失農作愁擾百姓若復有犯者二千石先坐甲寅

太傅鄧彪薨戊午隴西地震三月戊子詔曰選舉良

才為政之本科別行能必由鄉曲周禮鄉大夫掌其鄉之政教考其德

行察其道藝三年而舉賢能者於王而郡國舉吏不加簡擇故先帝明

敕在所令試之以職乃得充選漢官儀曰建初六年十二月己未詔書辟

士四科一曰德行高妙志節清白二曰經明行修能任博士三曰明曉法律足以決疑能案章覆問才任

御史四曰剛毅多畧遭事不惑明足照姦勇足決斷才任三輔令皆存孝悌清公之行自今以後審四科

辟召及刺史二千石察舉茂才尤異孝廉廉吏務實校試以職有非其人不習曹事正舉者故不以實法

之也又德行尤異不須經職者別署狀上而宣布以來

出入九年二千石曾不承奉恣心從好司隸刺史訖

無糾察訖也今新蒙赦令且復申敕後有犯者顯明

其罰在位不以選舉為憂督察不以發覺為負負亦憂也

非獨州郡也是以庶官多非其人下民被姦邪之傷

由法不行故也庚寅遣使者分行貧民舉實流宄宄散也

也流散者舉案其實而給之開倉賑稟三十餘郡夏四月壬子封

阜陵王种兄魴為阜陵王种無嗣故以魴襲也六月丁酉郡國

三雨雹東觀記曰大如鴈子秋九月辛酉廣宗王萬歲薨無子

國除匈奴單于於除鞬叛遣中郎將任尚討滅之壬

午令郡縣勸民蓄蔬食以助五穀蓄積也其官有陂池

令得采取勿收假稅二歲假猶租賃冬十月辛未太尉尹

睦薨漢官儀曰睦字伯師鞏人十一月乙丑太僕張酺為太尉是

歲武陵郡兵破叛蠻降之護羗校尉貫友討燒當羗

羗乃遁去南單于安國叛骨都侯喜斬之

六年春正月永昌徼外夷遣使譯獻犀牛大象己卯

司徒丁鴻薨二月乙未遣謁者分行稟貸三河兖冀

青州貧民許侯馬光自殺東觀記曰光前坐黨附竇憲歸國為憲客奴所誣告

乃自殺丁未司空劉方為司徒太常張奮為司空三月

庚寅詔流民所過郡國皆實稟之其有販賣者勿出

租稅漢循周法商賈有稅流人販賣故矜免之又欲就賤還歸者復一歲

田租更賦復音福丙寅詔曰朕以眇末奉承鴻烈陰陽

不和水旱違度濟河之域凶饉流亡尚書曰濟河惟兖州言東南據

濟西北距河而未獲忠言至謀所以匡救之策寤寐永歎

用思孔疚孔甚也疚病也詩云憂心孔疚惟官人不得於上黎民不

安於下有司不念寬和而競為苛刻覆案不急以妨

民事不急謂非要甚非所以上當天心平濟元元也思得

忠良之士以輔朕之不逮其令三公中二千石二千

石內郡守相舉賢良方正能直言極諫之士各一人

昭巖穴披幽隱遣詣公車

前書音義曰公車署名也公車所在故以名焉漢官

儀曰公車令一人秩六百石掌殿門諸上書詣闕下者皆集奏之凡所徵召亦總領之

朕將悉

聽焉帝乃親臨策問選補郎吏夏四月蜀郡徵外羗

率種人遣使內附五月城陽王淑薨無子國除

章帝子也

六月己酉初令伏閉盡日

漢官舊儀曰伏日萬鬼行故盡日閉不干它事秋

七月京師旱詔中都官徒各除半刑謫其未竟五月

己下皆免遣丁巳幸洛陽寺

寺官舍也風俗通云寺嗣也理事之吏嗣續於

其錄囚徒舉寃獄收洛陽令下獄抵罪司隸校尉河

班超

南尹皆左降未及還宮而澍雨西域都護班超大破

焉耆尉黎斬其王自是西域降服納質者五十餘國

南單于安國從弟子逢侯率叛胡亡出塞九月癸丑

以光祿勳鄧鴻行車騎將軍事與越騎校尉馮柱行

度遼將軍朱徽

○劉放曰案文少一事字

使匈奴中郎將杜崇討

之冬十一月護烏桓校尉任尚率烏桓鮮卑大破逢

侯

闕駟十三州志曰護烏桓擁節秩比二千石武帝置以護內附烏桓既而并於匈奴中郎將中興初

班彪上言宜復此官以招附東胡乃復更置焉

馮柱遣兵追擊復之

○劉放曰案文

少詔以渤海郡屬冀州武陵淩中蠻叛郡兵討平

之

七年春正月行車騎將軍鄧鴻

○劉攽曰案文亦少一事字

度遼

將軍朱徽中郎將杜崇皆下獄死

時南單于安國與崇不相平乃上書

告崇崇令斷其章緣此驚叛安國卒見殺帝後知之皆徵下獄

夏四月辛亥朔日有

食之帝引見公卿問得失令將大夫御史謁者博士

議郎郎官會廷中各言封事

十三州志曰侍御史周官卽柱下史秩六百石

掌注記言行糾諸不法員十五人出有所案則稱使者焉謁者秦官也員七十人皆選孝廉年未五十曉解儻贊者歲盡拜縣令長吏及都官府丞長史博士秦官博通古今秩皆六百石孝武初置五經博士後稍增至十四員取聰明威重一人爲祭酒主領焉議郎郎官皆秦官也充無所掌秩六百石或四百石○劉攽曰注歲盡拜縣令長史及都官府丞長史案文多一史字若是王國長史則當并守丞言之明此但

是令長耳下文又自有長史也詔曰元首不明化流無良政失於民

謫見于天謫謫也責也禮曰陽事不得適見于天日爲之食深惟庶事五教

在寬是以舊典因孝廉之舉以求其人武帝元光元年董仲舒初

開其議詔郡國舉孝廉各一人有司詳選郎官寬博有謀才任典城

者三十人○任堪也音仁林反既而悉以所選郎出補長相縣長

長相廐相也十二州志云縣爲廐邑則令長爲相秩隨令長本秩五月辛卯改千乘

國爲樂安國千乘故城在今淄州高苑縣北樂安故城在今青州博昌縣南六月丙

寅沛王定薨秋七月乙巳易陽地裂易陽縣在易水之陽今易州也

九月癸卯京師地震

溫禺犢王

八年春二月己丑立貴人陰氏為皇后賜天下男子爵人二級三老孝悌力田三級民無名數及流民欲占者一級鰥寡孤獨篤癯貧不能自存者粟人五斛夏四月癸亥樂成王黨薨甲子詔賑貸并州四郡貧民五月河內陳留蝗南匈奴右溫禺犢王叛為寇秋七月行度遼將軍龐奮○劉敞曰亦少一事字九年行征西將軍劉尚下亦同越騎校尉馮柱追討之斬右溫禺犢王車師後王叛擊其前王八月辛酉飲酎詔郡國中都官繫囚減死一等詣敦煌戍其犯大逆募下蠶室其女子宮自戍罪已下至司寇作及亡命者入贖各有差九月京師

蝗吏民言事者多歸責有司詔曰蝗蟲之異殆不虛

生禮記月令曰孟夏行春令則蝗蟲為災萬方有罪

在予一人而言事者專咎自下非助我者也朕寤寐

惘矜思弭憂釁尚書曰惘矜乃身孔安國注曰惘痛也矜病也言如痛病在身欲除之也

○矜音替楚嚴無災而懼成王出郊而反風成王

疑周公天乃大風未則盡偃王乃將何以匡朕不逮

以塞災變百僚師尹勉修厥職刺史二千石詳刑辟

理寬虐恤鰥寡矜孤弱思惟致災興蝗之咎庚子復

置廣陽郡高帝時燕國也昭帝元鳳元年為冬十月
乙丑北海王威有罪自殺北海郡今十二月辛亥陳
王羨薨丁巳南宮宣室殿火

九年春正月永昌徼外蠻夷及揮國重譯奉貢音擅

東觀記作擅俗本以禪字相類也或作禪二月庚辰

王林

隴西地震癸巳濟南王康薨西域長史王林擊車師

後王斬之夏四月丁卯封樂成王黨子巡為樂成王

六月蝗旱戊辰詔今年秋稼為蝗蟲所傷皆勿收租

更芻粟若有所損失以實除之餘當收租者亦半入

其山林饒利陂池漁採以贍元元勿收假稅秋七月

蝗蟲飛過京師八月鮮卑寇肥如肥如縣屬遼西郡

奔燕封於此遼東太守祭參下獄死東觀記曰鮮卑

今平州也閏月辛巳皇太后竇氏崩丙申葬

章德皇后燒當羌寇隴西殺長吏遣行征西將軍劉

尚越騎校尉趙世等討破之九月庚申司徒劉方策

免自殺甲子追尊皇妣梁貴人為皇太后冬十月乙

酉改葬恭懷梁皇后于西陵諡法曰正德美容曰恭

日改殯承光宮儀比敬園初后十一月癸卯光祿勳

河南呂蓋為司徒蓋字君玉宛陵人也十二月丙寅司空張奮

罷壬申太僕韓稜為司空已丑復置若盧獄官前書曰若

盧獄屬少府漢舊儀曰主鞠將相大臣也

十年春三月壬戌詔曰隄防溝渠所以順助地理通

利壅塞禮記月令曰季春之月修利隄防導達溝瀆開通道路無有障塞今廢慢懈

弛不以為負刺史二千石其隨宜疏導勿因緣妄發

以為煩擾將顯行其罰夏五月京師大水東觀記曰京師大雨

南山水流出于東郊壞人廬舍秋七月己巳司空韓稜薨八月丙子

太常太山巢堪為司空堪字次朗太山南城人九月庚戌復置

虞犧官漢官儀曰虞犧令一人秩六百石也冬十月五州雨水十二月

燒當羗豪迷唐等率種人詣闕貢獻戊寅梁王暢薨

十一年春二月遣使循行郡國稟貸被災害不能自

存者令得漁采山林池澤不收假稅丙午詔郡國中

都官徒及篤癯老小女徒各除半刑其未竟三月者

皆免歸田里夏四月丙寅大赦天下己巳復置右校

尉官東觀記曰置在西河鵠澤縣秋七月辛卯詔曰吏民踰僭厚

歿傷生是以舊令節之制度頃者貴戚近親百僚師

尹莫肯率從有司不舉怠放日甚又商賈小民或忘

法禁奇巧靡貨流積公行其在位犯者當先舉正市道小民但且申明憲綱勿因科令加虐羸弱

十二年春二月旄牛徼外白狼獲薄夷率種人內屬

闕駟十三州志曰旄牛縣屬蜀郡前書曰旄牛所出歲貢其尾以為節髦詔貸被災諸郡

民種糧賜下貧鰥寡孤獨不能自存者及郡國流民

聽入陂池漁采以助蔬食三月丙申詔曰比年不登

百姓虛匱匱乏也京師去冬無宿雪以其經冬故言宿也今春無

澍雨黎民流離困於道路朕痛心疾首靡知所濟瞻

仰昊天何辜今人詩大雅周宣王遇旱之詩言今人何罪而天令饑饉乎三公

朕之腹心而未獲承天安民之策數詔有司務擇良

吏今猶不改競為苛暴侵愁小民以求虛名委任下

吏假執行邪是以令下而姦生禁至而詐起董仲舒曰法出

而姦生令下而詐起巧法析律飾文增辭禮記王制曰析言破律也貨行於

言臯成乎手朕甚病焉公卿不思助明好惡將何以

救其咎罰咎罰既至復令災及小民若上下同心庶

或有瘳其賜天下男子爵人二級三老孝悌力田三

級民無名數及流民欲占者人一級鰥寡孤獨篤癯

貧不能自存者粟人三斛壬子賜博士員弟子在太

學者布人三匹

武帝時置博士弟子太常擇人年十八以上儀狀端正者補焉昭帝增員

滿百人宣帝倍之元帝更設員千人成帝更增員三千人

夏四月日南象林蠻夷

反

象林縣屬日南郡今鬱林州郡兵討破之閏月賑貸敦煌張掖

五原民下貧者穀戊辰秭歸山崩

秭歸縣屬南郡古之夔國今歸州也

袁山松曰屈原此縣人既被流放忽然斃歸其姊亦來因名其地為秭歸姊亦姊也東觀記曰秭歸山高四百餘丈崩填谿水壓殺百餘人六月舞陽大水賜被水災尤貧者

穀人三斛秋七月辛亥朔日有食之九月戊午太尉

張酺免丙寅大司農張禹為太尉冬十一月西域蒙

奇兜勒二國遣使內附賜其王金印紫綬是歲燒當

羗復叛

十三年春正月丁丑帝幸東觀覽書林閱篇籍博選

術藝之士以克其官二月任城王尚薨丙午賑貸張

掖居延朔方日南貧民及孤寡羸弱不能自存者秋

八月詔象林民失農桑業者賑貸種糧稟賜下貧穀

食巳亥北宮盛饌門閣火護羗校尉周鮪擊燒當羗

破之荆州雨水九月壬子詔曰荆州比歲不節今茲

淫水為害

淮南子曰女媧積蘆灰以止淫水高誘注云平地出水為淫水

餘雖頗登

而多不均浹深惟四民農食之本慘然懷矜其令天

大爵

下半年入今年田租芻藁有宜以實除者如故事貧民

假種食皆勿收責冬十一月安息國遣使獻師子及

條枝大爵

西域傳曰安息國居和犢城去洛陽二萬五千里條枝國臨西海出師子大雀郭義

恭廣志曰大爵頸及身膺蹄都似橐駝舉頭高八九尺張翅丈餘食大麥其卵如甕即今之駝鳥也丙

辰詔曰幽并涼州戶口率少邊役衆劇束脩良吏進

仕路狹撫接夷狄以人爲本其令緣邊郡口十萬以

上歲舉孝廉一人不滿十萬二歲舉一人五萬以下

三歲舉一人鮮卑寇右北平遂入漁陽漁陽太守擊

破之戊辰司徒呂蓋罷十二月丁丑光祿勳魯恭爲

司徒辛卯巫蠻叛寇南郡

巫縣屬南郡故城在今夔州巫山縣也

十四年春二月乙卯東海王政薨繕脩故西海郡

平帝

時金城塞外羌獻地以爲西海郡也光武建武中省金城入隴西郡至是復繕脩之金城即今蘭州縣也

徙金城西部都尉以戍之三月戊辰臨辟雍饗射大

赦天下夏四月遣使者督荊州兵討巫蠻破降之庚

辰賑貸張掖居延敦煌五原漢陽會稽流民下貧穀

各有差五月丁未初置象林將兵長史官

闕駟十三州志曰將

兵長史居在日南郡又有將兵司馬去雒陽九千六百三十里六月辛卯廢皇后陰

氏后父特進綱自殺秋七月甲寅詔復象林縣更賦

田租芻橐二歲壬子常山王側薨是秋三州雨水冬
 十月甲申詔交豫荊州今年水雨淫過多傷農功其
 令被害什四以上皆半入田租芻橐其不滿者以實
 除之辛卯立貴人鄧氏為皇后丁酉司空巢堪罷十
 一月癸卯大司農徐防為司空是歲初復郡國上計
 補郎官上計今計吏也前書音義曰舊制使郡丞奉
 歲計武帝元朔中令郡國舉孝廉各一人與
 計偕拜為郎中
 中廢今復之
 十五年春閏月乙未詔流民欲還歸本而無糧食者
 過所實稟之疾病加致醫藥其不欲還歸者勿強二

月詔稟貸潁川汝南陳畱江夏梁國敦煌貧民

前書音義

曰陳留本鄭邑也後為陳所并故曰陳留今汴州縣也江夏郡高帝置沔水自江別至南郡華容為夏水過郡入江故曰江夏夏四月甲子晦日有食之五月戊寅南陽

大風六月詔令百姓鰥寡漁采陂池勿收假稅二歲

秋七月丙寅濟南王錯薨錯音七故反復置涿郡故鹽鐵

官續漢書曰其郡縣有鹽官鐵官者隨事廣狹置令長及丞秩次皆如縣也九月壬午南

巡狩清河王慶濟北王壽河間王開竝從賜所過二

千石長吏以下三老官屬及民百年者錢布各有差

是秋四州雨水冬十月戊申幸章陵祠舊宅癸丑祠

園廟會宗室於舊廬勞賜作樂戊午進幸雲夢臨漢

水而還雲夢今安州縣也十一月甲申車駕還宮賜

從臣及留者公卿以下錢布各有差十二月庚子琅

邪王宇薨有司奏以為夏至則微陰起靡草成可以

決小事禮記月令曰孟夏之月靡草成麥秋至斷薄刑決小罪鄭玄注云靡草薺亭歷之屬臣賢

案五月一陰爻生可以言微陰今月令云孟夏乃是純陽之月此言夏至者與月令不同是歲初

令郡國以日北至案薄刑日食食之氏氏丸實南

十六年春正月己卯詔貧民有田業而以價乏不能

自農者貸種糧二月己未詔兗豫徐冀四州比年雨

多傷稼禁沽酒夏四月遣三府掾分行四州貧民無

以耕者為雇犁牛直五月壬午趙王商薨秋七月旱

戊午詔曰今秋稼方穗而旱雲雨不霑疑吏行慘刻

不宣恩澤妄拘無罪幽閉良善所致其一切囚徒於

法疑者勿決以奉秋令禮記月令曰孟秋之月命有司修法制繕囹圄具桎梏斷

薄刑決小罪方察煩苛之吏顯明其罰辛酉司徒魯恭免

庚午光祿勳張酺為司徒辛巳詔令天下皆半入今

年田租芻橐其被災害者以實除之貧民受貸種糧

及田租芻橐皆勿收責八月己酉司徒張酺薨冬十

月辛卯司空徐防為司徒大鴻臚陳寵為司空十一

月己丑行幸緱氏登百岨山

即柏岨山也在洛州緱氏縣南爾雅云山一成

曰岨東觀記作岨並音平眉反流俗本或作杯者誤也

賜百官從臣布各有差

北匈奴遣使稱臣貢獻十二月復置遼東西部都尉

官

西部都尉安帝時以為屬國都尉在遼東郡昌黎城也

元興元年春正月戊午引三署郎召見禁中

漢官儀三署謂

五官署也左右署也各置中郎將以司之郡國舉孝廉以補三署郎年五十以上屬五官其次分在左右署凡有中郎議郎侍郎中郎四等無員禁中者門戶有禁非侍御者不得入故謂禁中

選除七

十五人補謁者長相高句驪寇郡界夏四月庚午大

赦天下改元元興宗室以罪絕者悉復屬籍五月癸

酉雍地裂

東觀記曰右扶風雍地裂流俗本雍下有州者誤也

秋九月遼東太

守耿夔擊貊人破之冬十二月辛未帝崩于章德前

殿年二十七立皇子隆為皇太子賜天下男子爵人

二級三老孝悌力田人三級民無名數及流民欲占

者人一級鰥寡孤獨篤癘貧不能自存者粟人三斛

自竇憲誅後帝躬親萬機每有災異輒延問公卿極

言得失前後符瑞八十一所自稱德薄皆抑而不宣

舊南海獻龍眼荔支十里一置五里一侯

南海郡秦置今廣州

縣也廣雅曰益智龍眼也交州記曰龍眼樹高五六丈似荔枝而小廣州記曰子似荔枝而員七月熟荔枝樹高五六丈大如桂樹實如雞子甘而多汁似安石榴有甜醋者至日禺中翕然俱赤即可食置為驛也奔騰阻險或者繼路時臨武長汝南唐羌縣接南海臨武縣屬桂陽郡今郴州縣也乃上書陳狀帝下詔曰遠國珍羞本以薦奉宗廟苟有傷害豈愛民之本其敕太官勿復受獻由是遂省焉謝承書曰唐羌字伯游辟公府補臨武縣長縣接交州舊獻龍眼荔枝及生鮮獻之驛馬晝夜傳送之至有遭虎狼毒害顛仆死亡不絕道經臨武羌乃上書諫曰臣聞上不以滋味為德下不以貢膳為功故天子食太牢為尊不以果實為珍伏見交趾七郡獻生龍眼等鳥驚風發南州土地惡蟲猛獸不絕於路至於觸犯死亡之害死者不可復生來者猶可救也此二物升殿未必延年益壽帝從之章報羌即弃官還家不應徵召著唐子三十餘篇

論曰自中興以後逮于永元雖頗有弛張而俱存不

擾是以齊民歲增闢土世廣齊平也偏師出塞則漠北

地空都護西指則通譯四萬西域傳曰班超定西域五十餘國皆降服西至

海瀕四萬里皆重譯貢獻豈其道遠三代術長前世將服叛去來

自有數也

孝殤皇帝諱隆謚法曰短折不成曰殤古今注曰隆之字曰盛和帝少子也

元興元年十二月辛未夜即皇帝位時誕育百餘日

誕大也詩大雅誕彌厥月先生如達鄭玄注云大矣后稷之在其母懷也終人道十月而生詩又云載生

載育育長也 達音它未反 尊皇后曰皇太后太后臨朝儀見皇北

匈奴遣使稱臣詣敦煌奉獻

延平元年春正月辛卯太尉張禹為太傅司徒徐防

為太尉參錄尚書事百官總已以聽封皇兄勝為平

原王癸卯光祿勳梁鮪為司徒漢官儀曰鮪字伯元河東平陽人也三

月甲申葬孝和皇帝于慎陵在洛陽東南三十里俗本作順者誤尊廟

曰穆宗丙戌清河王慶濟北王壽河間王開常山王

章始就國夏四月庚申詔罷祀官不在祀典者東觀記曰

鄧太后雅性不好淫祀 鮮卑寇漁陽太守張顯追擊戰沒

丙寅以虎賁中郎將鄧騭為車騎將軍司空陳寵薨

五月辛卯皇太后詔曰皇帝幼冲承統鴻業朕且權

佐助聽政兢兢寅畏寅敬也不知所濟深惟至治之本

道化在前刑罰在後將稽中和廣施慶惠與吏民更

始其大赦天下自建武以來諸犯禁錮詔書雖解有

司持重多不奉行其皆復為平民壬辰河東垣山崩

垣縣今絳州縣也古今注曰山崩長七丈廣四丈 六月丁未太常尹勤為司

空郡國三十七雨水已未詔曰自夏以來陰雨過節

燠氣不效效猶驗也將有厥咎寤寐憂惶未知所由昔夏

后惡衣服菲飲食孔子曰吾無間然非薄也今新遭

大憂且歲節未和徹膳損服庶有補焉其減太官導

官尚方內署諸服御珍膳靡麗難成之物太官今周官也秩千

石典天子厨膳導官掌擇御米導擇也尚方掌作御刀劍諸器物內署掌內府衣物秩皆六百石並見續

漢書丁卯詔司徒大司農長樂少府曰朕以無德佐助

統政夙夜經營懼失厥衷思惟治道由近及遠先內

後外自建武之初以至于今八十餘年宮人歲增房

御彌廣又宗室坐事没入者猶託名公族甚可愍焉

今悉免遣及掖庭宮人皆為庶民以抒幽隔鬱滯之

情抒舒也食汝反諸官府郡國王侯家奴婢姓劉及疲癯羸

老皆上其名務令實悉秋七月庚寅敕司隸校尉部

刺史秦有監御史監諸郡漢興省之但遣丞相史分刺諸州無有常官孝武帝初置刺史十三人秩

六百石成帝更為牧秩二千石建武十八年復為刺史十二人各主一州其一州屬司隸校尉諸州常以

八月巡行所部郡國錄囚徒考殿最初歲盡詣京都奏事中興但因計吏見續漢書曰夫天降

灾戾應政而至間者郡國或有水災妨害秋稼朝廷

惟咎憂惶悼懼而郡國欲獲豐穰虛飾之譽遂覆蔽

災害多張墾田不揣流亡揣音初委反競增戶口掩匿盜

賊令姦惡無懲署用非次選舉乖宜貪苛慘毒延及

平民

後漢書卷四

列傳

三四

平民

平民謂善人也書曰延及平人

刺史垂頭塞耳阿私下比不畏

于天不愧于人

詩小雅也

假貸之恩不可數恃自今以後

將糾其罰二千石長吏其各實覈所傷害為除田租

芻橐八月辛亥帝崩癸丑殯于崇德前殿年二歲

贊曰孝和沈烈率由前則王赫自中賜命彊慝

慝惡也謂

誅實憲等

抑沒祥符登顯時德

謂用鄧彪等委政也

殤世何早平原

弗克

平原王勝以固疾不得立也左傳曰弗克負荷

劉敞曰紀書孝和葬慎陵章懷注云俗本作順陵者誤臣敞案皇后紀和熹皇后合葬順陵以為皇后紀誤而靈帝父孝仁皇稱慎陵世數不遠陵名必不相襲參校前後孝和實葬順陵言

慎乃更為誤耳疑此亦非章懷之失蓋傳寫誤以順為慎亦因以慎為順耳

專寫疑以則為真亦因以真為則耳
期八更為疑耳疑也亦非章對之夫益

後漢書卷之五

安帝紀第五

恭宗孝安皇帝諱祐

謚法曰寬容和平曰安伏
疾古今注曰祐之字曰福

肅宗

孫也父清河孝王慶母左姬帝自在邸第

倉頡篇曰
邸舍也說

文云屬國之舍也前書音
義曰第謂有甲乙之次第

數有神光照室又有赤蛇

盤於牀第之間

第牀
簀也

年十歲好學史書

史書者周宣
王太史籀所

作之書也凡五十
五篇可以教童幼

和帝稱之數見禁中延平元年慶

始就國鄧太后特詔留帝清河邸八月殤帝崩太后

與兄車騎將軍鄧騭定策禁中其夜使騭持節以王

青蓋車迎帝齋于殿中

續漢志曰皇太子皇子皆安車朱班輪青蓋金華蚤皇子

為王錫以乘之故曰王青蓋車皇孫則綠車

皇太后御崇德殿百官皆吉

服

洛陽南宮有崇德殿不可以凶事臨朝故吉服也

羣臣陪位引拜帝為長

安侯

不即立為天子而封侯者不欲從微即登皇位

皇太后詔曰先帝聖德

淑茂早棄天下朕奉皇帝夙夜瞻仰日月冀聖成就

豈意卒然顛沛天年不遂悲痛斷心朕惟平原王素

被痼疾念宗廟之重思繼嗣之統唯長安侯祐質性

忠孝小心翼翼

翼翼敬慎也詩曰惟此文王小心翼翼

能通詩論篤學

樂古仁惠愛下年已十三有成人之志親德係後莫

宜於祐

係即繼也

禮昆弟之子猶已子

禮記檀弓之文

春秋之義

為人後者為之子不以父命辭王父命

為人後者謂出繼於人也

王父謂祖也穀梁傳曰衛靈公廢太子蒯聵立孫輒不受父之命而受王父命

其以祐為孝

和皇帝嗣奉承祖宗案禮儀奏又作策命曰惟延平

元年秋八月癸丑皇太后曰咨長安侯祐孝和皇帝

懿德巍巍光宇四海大行皇帝不永天年

前書音義曰禮有大

行人有小行人主謚號官也韋昭云大行者不反之辭也天子崩未有謚故稱大行也穀梁傳曰大行受大名風俗通曰天子新崩未有謚故且稱大行皇帝義兩通

朕惟侯孝章帝世嫡

皇孫謙恭慈順在孺而勤

孺幼也或在孺不勤

宜奉郊廟承

統大業今以疾嗣孝和皇帝後其審君漢國允執其

中一人有慶萬民賴之皇帝其勉之哉讀策畢太尉

奉上璽綬即皇帝位年十三太后猶臨朝公羊傳曰猶者可止

也之辭九月庚子謁高廟辛丑謁光武廟六州大水已

未遣謁者分行虛實舉災害賑乏絕丙寅葬孝殤皇

帝于康陵陵在慎陵塋中庚地高五丈五尺周二百八步乙亥隕石于陳留

西域諸國叛攻都護任尚遣副校尉梁懂救尚擊破

之僅音冬十月四州大水雨雹詔以宿麥不下宿舊也麥

必經年而熟故稱宿賑賜貧人十二月甲子清河王薨使司空

持節弔祭車騎將軍鄧騭護喪事之酉罷魚龍曼延

百戲漢官典職曰作九賓樂舍利之獸從西方來戲於庭入前殿激水化成比目魚噉水作霧化成

黃龍長八丈出水遨戲於庭炫耀日光曼延者獸名也張衡西京賦所云巨獸百尋是為曼延音以戰反

永初元年春正月癸酉朔大赦天下蜀郡徼外羗內

屬東觀記曰徼外羗龍橋等六種慕義降附戊寅分捷為南郡為屬國都

尉稟司隸兗豫冀并州貧民司隸領河南河內河東弘農都於洛陽魏

末因為三月丙午以廣成游獵地廣城苑名在汝州西及被災

鄰國公田假與貧民丁卯分清河國封帝弟常保為

廣川王廣川縣屬信都國故城在今冀州棗彊縣東北庚午司徒梁鮪薨三

月癸酉日有食之詔公卿內外衆官郡國守相舉賢

良方正有道術之士明政術達古今能直言極諫者

各一人已卯永昌徼外焦僥種夷貢獻內屬甲申葬

清河孝王贈龍旗虎賁夏五月甲戌長樂衛尉魯恭

為司徒前書曰衛尉秦官掌宮門衛屯兵也長樂建章甘泉宮皆隨所掌以為官名秩中二千石

也丁丑詔封北海王睦孫壽光侯普為北海王九真

徼外夜郎蠻夷舉土內屬九真郡名今愛州縣六月戊申爵皇

太后母陰氏為新野君丁巳河東地陷壬戌罷西域

都護先零種羗叛斷隴道大為寇掠遣車騎將軍鄧

騭征西校尉任尚討之丁卯赦除諸羗相連結謀叛

逆者罪秋九月庚午詔三公明申舊令禁奢侈無作

浮巧之物殫財厚葬是日太尉徐防免以災異屢見也辛未

司空尹勤免以水雨漂流也癸酉調揚州五郡租米五郡謂

陽廬江吳郡豫章也揚州領六郡會稽最遠蓋不調也贍給東郡濟陰陳留梁

國下邳山陽丁丑詔曰自今長吏被考竟未報考謂考問

其狀也報謂斷決也自非父母喪無故輒去職者劇縣十歲平

縣五歲以上乃得次用壬午詔太僕少府減黃門鼓

吹以補羽林士漢官儀曰黃門鼓吹百四十五人羽林左監主羽林八百人右監主九百

人廐馬非乘輿常所御者皆減半食乘輿天子所乘車輿也不敢斥

言尊者故稱乘輿見蔡邕獨斷諸所造作非供宗廟園陵之用皆且

止丙戌詔死罪以下及亡命贖各有差庚寅太傅張

禹為太尉太常周章為司空漢官儀曰章字次叔荆州隨縣人也冬十

月倭國遣使奉獻倭國去樂浪萬二千里男子黥面文身以其文左右大小別尊卑之

差見本傳辛酉新城山泉水大出東觀記曰突壞人田水深三丈十一月

丁亥司空周章密謀廢立策免自殺戊子敕司隸校

尉冀并二州刺史民訛言相驚弃捐舊居老弱相攜

窮困道路其各出所部長吏躬親曉諭若欲歸本郡

在所為封長檄不欲勿強封謂印封之也長檄猶今牒為驗強音其兩反十二月乙卯潁川太守張敏為司空是歲

郡國十八地震四十一雨水或山水暴至二十八

風雨雹

二年春正月稟河南下邳東萊河內貧民古今註曰時州郡大

饑米石二千人相食老弱相弃道路車騎大將軍鄧騭為種羗所敗於

冀西續漢書曰種羗九千餘戶在隴西臨洮谷冀縣屬天水郡也○劉敞曰正文案官無車騎大將

軍者明大字行騭後乃為大將軍耳二月乙丑遣光祿大夫樊準呂倉

分行冀兖二州稟貸流民夏四月甲寅漢陽城中火

燒殺三千五百七十人五月旱丙寅皇太后幸洛陽

寺及若盧獄錄囚徒賜河南尹廷尉卿及官屬以下

各有差即日降雨六月京師及郡國四十大水大風

兩雹東觀記曰雹大如芋魁雞子風拔樹發屋秋七月戊辰詔曰咎在帝

王承天理民莫不據璇機玉衡以齊七政孔安國尚書注璇美

德遵奉大業而陰陽差越變異竝見萬民饑流羗豸

叛戾夙夜克已憂心京京詩小雅曰憂心京京爾雅曰京京憂也間令

公卿郡國舉賢良方正遠求博選開不諱之路冀得

至謀以鑒不逮而所對皆循尚浮言無卓爾異聞卓爾

高遠之貌也論語曰如有所立卓爾其百僚及郡國吏人○劉放曰案此不成文理

使指變以聞二千石長吏明以詔書博衍幽隱衍猶引也

朕將親覽待以不次冀獲嘉謀以承天誠閏月辛丑

黃川王常保薨無子國除癸未蜀郡徼外羗舉土內

屬東觀記曰徼外羗薄申等八種舉衆降九月庚子詔王主官屬墨綬

下至郎謁者續漢書曰王國有中大夫秩比六百石謁者比四百石郎中二百石○劉放曰

正文案二漢諸侯王未嘗有主稱蓋是國字前書多言王國此注中亦有王國文主字作國無疑也或謂

後漢書卷之五

安帝紀

下

主指公主案公主但有家令無郎謁者又此詔文但言國相移名其非公主明矣或者傳寫見後有王主之文遂誤於此其經明任博士居鄉里有廉清孝順之稱才

任理人者國相歲移名與計偕上尚書公府通調令

得外補移書也冬十月庚寅稟濟陰山陽玄菟貧民

征西校尉任尚與先零羌戰于平襄尚軍敗績平襄縣屬天水郡故襄戎邑也十一月辛酉拜鄧騭為大將軍徵還京師

留任尚屯隴右先零羌滇零稱天子於北地滇零羌名音丁

遂寇三輔東犯趙魏南入益州殺漢中太守董炳

十二月辛卯稟東郡鉅鹿廣陽安定定襄沛國貧民

廣漢塞外參狼羗降分廣漢北部為屬國都尉是歲

郡國十二地震

三年春正月庚子皇帝加元服元服謂加冠也士冠禮曰令月吉辰加爾元服鄭玄云元首也大赦天下賜王主賢人公卿以下金帛各

有差男子為父後及三老孝悌力田爵人二級流民

欲占者人一級遣騎都尉任仁討先零羌不利羗遂

破沒臨洮縣名屬隴西郡高句驪遣使貢獻三月京師大饑

民相食壬辰公卿詣闕謝詔曰朕以幼冲奉承鴻業

不能宣流風化而感逆陰陽至今百姓饑荒更相噉

食永懷悼歎若墜淵水咎在朕躬非羣司之責而過

自貶引重朝廷之不德貶引謂貶損引過也重音直用反其務思變

復以助不逮癸巳詔以鴻池假與貧民續漢書曰鴻池在洛陽東

二十里假借也壬寅司徒魯恭免夏四月丙寅大鴻

臚九江夏勤為司徒勤字伯宗壽春人也三公以國用不足奏

令吏人入錢穀得為關內侯虎賁羽林郎五大夫官

府吏緹騎營士各有差續漢志曰執金吾緹騎二百人緹赤黃色營士謂五校營

士也漢官儀曰屯騎越騎步兵射聲各領七百人長水領士千三百六十七人也已巳詔上

林廣城苑可墾闢者賦與貧民甲申清河王虎威薨

五月丙申封樂安王寵子延平為清河王丁酉沛王

正薨癸丑京師大風六月烏桓寇代郡上谷涿郡秋

七月海賊張伯路等寇畧緣海九郡遣侍御史龐雄

督州郡兵討破之庚子詔長吏案行在所皆令種宿

麥蔬食務盡地力其貧者給種餉九月鴈門烏桓及

鮮卑叛敗五原郡兵於高渠谷東觀記曰戰九原高渠谷渠梁相類必有

誤也冬十月南單于叛圍中郎將耿种於美稷十一月

遣行車騎將軍何熨討之劉攽曰案文少一事字十二月辛酉

郡國九地震乙亥有星孛于天苑天苑星名是歲京師及

郡國四十一雨水雹續漢書曰雹大如鴈子也并涼二州大饑人相食

四年春正月元日會徹樂不陳充庭車每大朝會必陳乘輿法物

車輦於庭故曰充庭車也以年饑故不陳辛卯詔以三輔比遭寇亂人庶

流冗除三年逋租過更口筭芻橐前書音義曰天下人皆戍邊三日不可

可人人自行行者自戍三日不可往復還因便住一歲諸不行者出錢三百入官官以給戍者言過其本更之日故曰過更又曰人年十五至五十六出賦錢人百二十為一筭也稟上郡貧民各

有差海賊張伯路復與勃海平原劇賊劉文河周文

光等攻厭次殺縣令遣御史中丞王宗督青州刺史

法雄討破之度遼將軍梁懂遼東太守耿夔討破南

單于於屬國故城丙午詔減百官及州郡縣奉各有

差二月丁巳稟九江貧民南匈奴寇常山乙丑初置

長安雍二營都尉官漢官儀曰京兆虎牙扶風都尉以涼州近羌數犯三輔將兵衛

護園陵扶風都尉居雍縣故俗人稱雍營焉西羌傳云虎牙都尉居長安乙亥詔自建初

以來諸祆言它過坐徙邊者各歸本郡其沒入官為

奴婢者免為庶人詔謁者劉珍及五經博士校定東

觀五經諸子傳記百家藝術整齊脫誤是正文字洛陽

宮殿名曰南宮有東觀前書曰凡諸子百六十九家言百家舉全數也三月南單于降

先零寇寇襄中縣名屬漢中郡今梁州襄城縣漢中太守鄭勤戰歿

徙金城郡都襄武襄武縣名屬隴西郡今渭州縣戊子杜陵園火癸

巳郡國九地震夏四月六州蝗東觀記曰司隸豫兗徐青冀六州丁

丑大赦天下秋七月之酉三郡大水巳卯騎都尉任

仁下獄歿九月甲申益州郡地震冬十月甲戌新野

君陰氏薨東觀記曰新野君薨贈以玄玉赤紱賻錢三千萬布三萬匹使司空持

節護喪事大將軍鄧騭罷

五年春正月庚辰朔日有食之丙戌郡國十地震巳

丑太尉張禹免甲申光祿勳李脩為太尉漢官儀曰脩字伯游

豫州襄城人也二月丁卯詔省減郡國貢獻太官口食先零

寇河東遂至河內三月詔隴西徙襄武安定徙美

陽安定郡今涇州也美陽縣故城在今武功縣北北地徙池陽北地郡今寧州也池陽縣

故城在今涇陽縣北也上郡徙衙上郡今綏州也衙縣故城在同州白水縣東北左傳曰秦

晉戰于彭衙即此也夫餘夷犯塞殺傷吏人閏月丁酉赦涼州

河西四郡戊戌詔曰朕以不德奉郊廟承大業不能

興和降善為人祈福灾異蜂起寇賊縱橫夷狄猾夏

猾亂也夏華夏也戎事不息百姓匱乏疲於徵發重於蝗蟲

滋生害及成麥秋稼方收甚可悼也朕以不明統理

失中亦未獲忠良以毗闕政傳曰顛而不扶危而不

持則將焉用彼相矣公卿大夫將何以匡救濟斯艱

危承天誠哉蓋為政之本莫若得人褒賢顯善聖制

所先濟濟多士文王以寧詩大雅之詞也思得忠良正直之

臣以輔不逮其令三公特進侯中二千石二千石郡

守諸侯相舉賢良方正有道術達於政化能直言極

諫之士各一人及至孝行與眾卓異者并遣詣公車

朕將親覽焉六月甲辰樂成王巡薨秋七月己巳詔

三公特進九卿校尉九卿奉常光祿衛尉太僕鴻臚廷尉少府宗正司農校尉謂城

門中騎越騎步兵長水胡騎等○劉攽曰注胡舉列

將子孫明曉戰陣任將帥者九月漢陽人杜琦王信

叛東觀記曰琦自稱安漢將軍與先零諸種羗攻陷上邽城十二

月漢陽太守趙博遣客刺殺杜琦東觀記曰漢陽故吏杜習手刺殺之

是歲九州蝗郡國八雨水

六年春正月庚申詔越舊置長吏高望始昌三苑又

令益州郡置萬歲苑犍為置漢平苑犍為郡名前書音義曰故夜郎

國也故城在今眉州隆山縣西北也三月十州蝗夏四月乙丑司空張

敏罷己卯太常劉凱為司空五月旱丙寅詔令中二

千石下至黃綬一切復秩還贖賜爵各有差戊辰皇

太后幸雒陽寺錄囚徒理冤獄六月壬辰豫章員谿

原山崩員谿關也辛巳大赦天下遣侍御史唐喜討漢陽

賊王信破斬之續漢志曰傳信首詣洛陽梟穀城門外也冬十一月辛丑

護烏桓校尉吳祉下獄死是歲先零羗滇零死子零

昌復襲偽號

七年春正月庚戌皇太后率大臣命婦謁宗廟喪服傳曰

命夫者其男子之為大夫也命婦者其大夫之妻也臣賢案東觀續漢袁山松謝沈書古今注皆云六年

正月甲寅謁宗廟此云七年庚戌疑紀誤也二月丙午郡國十八地震夏

四月乙未平原王勝薨丙申晦日有食之五月庚子

京師大雩左傳曰龍見而雩杜預注云謂建巳之月龍星角亢見東方雩遠也遠為百穀求膏

雨周禮司巫職曰若國大旱則帥巫而舞雩鄭玄注云雩吁也嗟而求雨秋護羗校尉侯

霸騎都尉馬賢破先零羗八月丙寅京師大風蝗蟲

飛過洛陽詔賜民爵郡國被蝗傷稼十五以上勿收

今年田租不滿者以實除之九月調零陵桂陽丹陽

豫章會稽租米零陵郡名今永州縣也丹陽郡名今潤州江寧縣也餘並見上賑給

南陽廣陵下邳彭城山陽廬江九江饑民又調濱水

縣穀輸敖倉詩曰薄狩于敖即此也秦於此築太倉亦曰敖庾在今鄭州滎陽縣西北東觀

記曰濱水縣彭城廣陽廬江九江穀九千萬斛送敖倉

元初元年春正月甲子改元元初賜民爵人二級孝悌力田人三級爵過公乘得移與子若同產同產子民脫無名數及流民欲占者人一級鰥寡孤獨篤癘貧不能自存者穀人三斛貞婦帛人一匹二月己卯日南地坼東觀記曰坼長百八十二里廣五十六里三月癸酉日有食之夏四月丁酉大赦天下京師及郡國五旱蝗詔三公特進列侯中二千石二千石郡守舉敦厚質直者各一人五月先零羌寇雍城六月丁巳河東地陷秋七

月蜀郡夷寇蠶陵殺縣令蠶陵縣屬蜀郡故城在今翼州翼水縣西有蠶陵山

因以為名焉九月乙丑太尉李脩罷先零羌寇武都漢中

絕隴道辛未大司農山陽司馬苞為太尉謝承書曰苞字仲成

東緡人也冬十月戊子朔日有食之先零羌敗凉州刺史

皮陽於狄道乙卯詔除三輔三歲田租更賦口筭見解

光武紀十一月是歲郡國十五地震

二年春正月詔稟三輔及并凉六郡流冗貧人蜀郡

青衣道夷奉獻內屬青衣道縣名在大江青衣二水之會今嘉州龍遊縣也東觀記

曰青衣蠻夷修理西門豹所分漳水為支渠以溉民

田史記曰西門豹為鄴令發人鑿十二渠引水灌田所鑿之渠在今相州鄴縣西也二月戊

戌遣中謁者收葬京師客死無家屬及棺槨朽敗者

皆為設祭其有家屬尤貧無以葬者賜錢人五千辛

酉詔三輔河內河東上黨趙國太原各修理舊渠通

利水道以溉公私田疇前書音義曰美田曰疇三月癸亥京師

大風先零羗寇益州遣中郎將尹就討之夏四月丙

午立貴人閻氏為皇后五月京師旱河南及郡國十

九蝗甲戌詔曰朝廷不明庶事失中災異不息憂心

惶懼被蝗以來七年于茲而州郡隱匿裁言頃畝裁與

纒同古字通今羣飛蔽天為害廣遠所言所見寧相副邪

三司之職內外是監既不奏聞又無舉正天災至重

欺罔臯大今方盛夏且復假貸以觀厥後假貸猶寬容也盛夏

不可即加刑罰故且寬容其務消救災青安輯黎元六月丙戌太

尉司馬苞薨謝承書曰苞為太尉常食麤飯著布衣妻子不歷官舍會司徒楊震為樊豐等

所譖連及苞苞乞骸骨未見聽以疾薨也洛陽新城地震裂秋七月辛巳

太僕太山馬英為太尉英字文思兗州蓋縣人也八月遼東鮮卑

圍無慮縣屬遼東郡慮音間有醫九月又攻夫犁營

殺縣令夫犁縣名屬遼東屬國壬午晦日有食之冬十月遣中

郎將任尚屯三輔詔郡國中都官繫囚減死一等勿

笞詣馮翊扶風屯妻子自隨占著所在女子勿輸不輸

也亡命死辜以下贖各有差其吏人聚為盜賊有悔

者除其罪乙未右扶風仲光安定太守杜恢京兆虎

牙都尉耿溥與先零羗戰於丁奚城東觀記曰至北地靈州丁奚城

也光等大敗竝沒左馮翊司馬鈞下獄自殺東觀記曰安定

太守杜恢與鈞等并威擊羗恢乘勝深入為虜所害鈞擁兵不救收鈞下獄也十一月庚申

郡國十地震十二月武陵豐中蠻叛州郡擊破之東觀

記曰蠻田山高少等攻城殺長吏州郡募五里蠻夷六亭兵追擊山等皆降賜五里六亭渠率金帛各有

差已酉司徒夏勤罷庚戌司空劉愷為司徒光祿勳

袁敞為司空

三年春正月甲戌修理太原舊溝渠漑灌官私田元

水經曰昔智伯遏晉水以灌晉陽後人踵其遺跡蓄以為沼分為三派北瀆即智氏故渠也其瀆乘高東

北注入晉陽城以漑灌東南出城注於汾水今所修溝渠即謂此東平陸上言木連

理東平陸縣名古厥國也屬東平國今兗州平陸縣也序例曰凡瑞應自和帝以上政事多美近於有

實故書見於某處自安帝以下王道衰缺容或虛飾故書某處上言也蒼梧鬱林合浦

蠻夷反叛蒼梧郡今梧州縣也合浦郡今廉州縣也二月遣侍御史任連

督州郡兵討之連音丁角反郡國十地震三月辛亥日有

食之丙辰赦蒼梧鬱林合浦南海吏人為賊所迫者

夏四月京師旱五月武陵蠻復叛州郡討破之癸酉

度遠將軍鄧遵率南匈奴擊先零羗於靈州破之靈州

縣名屬北地郡故城在今慶州馬領縣西北越雋徼外夷舉種內屬六月

中郎將任尚遣兵擊破先零羗於丁奚城秋七月武

陵蠻復叛州郡討平之緱氏地圻九月辛巳趙王宏

薨冬十一月蒼梧鬱林合浦蠻夷降丙戌初聽大臣

二千石刺史行三年喪文帝遺詔以日易月於後大臣遂以為常至此復遵古制

也癸卯郡國九地震十二月丁巳任尚遣兵擊破先

零羗於北地

四年春二月乙巳朔日有食之乙卯大赦天下壬戌

武庫災夏四月戊申司空袁敞薨己巳鮮卑寇遼西

遼西郡兵與烏桓擊破之遼西郡故城在今平州東陽樂城是五月丁

丑太常李郃為司空六月戊辰三郡雨雹秋七月辛

丑陳王鈞薨京師及郡國十雨水詔曰今年秋稼茂

好垂可收穫而連雨未霽霽雨止也懼必淹傷夕惕惟憂

思念厥咎夫霖雨者人怨之所致左傳曰凡雨三日以上為霖京房別

對災異曰人勞怨苦雨水絕道其武吏以威暴下文吏妄行苛刻鄉

吏因公生姦為百姓所患苦者有司顯明其罰又月

令仲秋養衰老授几杖行糜粥鄭玄注云助老氣也行猶賜也方今

案比之時東觀記曰方今八月案比之時謂案驗戶口次比之也郡縣多不奉

行雖有糜粥糠粃相半長吏怠事莫有躬親甚違詔

書養老之意其務崇仁恕賑護寡獨稱朕意焉九月

護羗校尉任尚使客刺殺叛羗零昌冬十一月己卯

彭城王恭薨十二月越雋夷寇遂久殺縣令逐久縣屬越雋

郡甲子任尚及騎都尉馬賢與先零羗戰于富平上

河大破之富平縣屬北地郡故城在今靈州回樂縣西南鄯元水經注曰河水於此有上河之

名也度人羗率眾降度人羗號也東觀記曰度人種隴羗大豪恬狼等詰度遼將軍降隴

右平是歲郡國十三地震

五年春正月越雋夷叛二月壬戌中山王憲薨三月

京師及郡國五旱詔稟遭旱貧人夏六月高句驪與

穢貊寇玄菟郡名在遼東秋七月越雋蠻夷及旄牛豪叛

殺長吏旄牛縣屬蜀郡華陽國志曰在岷山表也丙子詔曰舊令制度

各有科品漢令今亡欲令百姓務崇節約遭永初之際人

離荒厄朝廷躬自菲薄去絕奢飾食不兼味衣無二

綵比年雖獲豐穰尚乏儲積而小人無慮不圖久長

嫁娶送終紛華靡麗至有走卒奴婢被綺縠著珠璣

綺文縉縠紗也珠璣不圓者也京師尚若斯何以示四遠設張法禁

懇惻分明而有司情任訖不奉行秋節既立鷲鳥將

用鷲鳥鷹鷂之類也廣雅曰鷲執也以其能服執衆鳥月令孟秋鷹乃祭鳥始用行戮言有司怠惰不

遵法令將欲糾其罪順秋行誅同鷹鷂之鷲擊也且復重申以觀後效八月

丙申朔日有食之鮮卑寇代郡殺長吏冬十月鮮卑

寇上谷十二月丁巳中郎將任尚有擧弃市是歲郡

國十四地震四十二地震

六年春二月乙巳京師及郡國四十二地震或圻裂

水泉涌出壬子詔三府選擇屬高第能惠利牧養者

各五人光祿勳與中郎將選孝廉郎寬博有謀清白

行高者五十人出補令長丞尉乙卯詔曰夫政先京

師後諸夏月令仲春養幼小存諸孤季春賜貧窮賑

乏絕省婦使表貞女所以順陽氣崇生長也鄭玄云婦使謂

組紉之事其使人尤貧困孤弱單獨穀人三斛貞婦有節

義十斛甄表門閭旌顯厥行節謂志操義謂推讓甄明也旌章也里門謂之

閭旌表者若今三月庚辰始立六宗祀於洛城西北

樹闕而顯之續漢志曰元初六年以尚書歐陽家說謂六宗者在天地四方之中為上下四方之宗以元始中故事謂

六宗易六子之氣日月雷公風伯山澤者非也乃更六宗祠於戌亥之地禮比大社也夏四月

會稽大疫遣光祿大夫將太醫循行疾病賜棺木

漢官

儀太醫令一人秩六百石除田租口賦沛國勃海大風雨雹五月

京師旱六月丁丑樂成王賓薨丙戌平原王得薨秋

七月鮮卑寇馬城搜神記曰昔秦人築城於武周塞以備胡將成而崩者數矣有馬馳

走周旋反覆父老異之因依以築城城乃不崩遂以名焉其故城今朔州也度遼將軍鄧

遵率南單于擊破之九月癸巳陳王竦薨十二月戊

午朔日有食之既郡國八地震是歲永昌益州蜀郡

夷叛與越雋夷殺長吏燔城邑益州刺史張喬討破

降之

永寧元年春正月甲辰任城王安薨三月丁酉濟北

王壽薨車師後王叛殺部司馬沈氏羗寇張掖

沈氏羗號

也續漢志曰羗在上郡西河者號沈氏也夏四月丙寅立皇子保為皇太

子改元永寧大赦天下賜王主三公列侯下至郎吏

從官金帛又賜民爵及布粟各有差己巳詔封陳王

羨子崇為陳王濟北王子萇為樂成王河間王子翼

為平原王壬午琅邪王壽薨六月沈氏種羗叛寇張

掖護羗校尉馬賢討沈氏羗破之秋七月乙酉朔日

有食之冬十月己巳司空李邵免癸酉衛尉廬江陳

襄為司空襄字伯仁舒縣人也自三月至是月京師及郡國三

十大風雨水十二月永昌徼外揮國遣使貢獻音揮

擅戊辰司徒劉愷罷遼西鮮卑降癸酉太常楊震為

司徒是歲郡國二十三地震夫餘王遣子詣闕貢獻

燒當羗叛

建光元年春正月幽州刺史馮煥率二郡太守討高

句驪穢貊不尅二月癸亥大赦天下賜諸園貴人謂宮

人無子守園陵者也王主公卿以下錢布各有差以公卿校尉

尚書子弟一人為郎舍人三月癸巳皇太后鄧氏崩

丙午葬和熹皇后丁未樂安王寵薨戊申追尊皇考

清河孝王曰孝德皇皇妣左氏曰孝德皇后祖妣宋

貴人曰敬隱皇后夏四月穢貊復與鮮卑寇遼東遼

東太守蔡諷追擊戰歿丙辰以廣川并清河國丁巳

尊孝德皇元妃耿氏為甘陵大貴人甘陵孝德皇后之陵因以為縣

今貝州清河縣東也甲子樂成王萇有臯廢為臨湖侯續漢書曰坐輕

慢不孝故貶臨湖縣名屬廬江郡己巳令公卿特進侯中二千石二

千石郡國守相舉有道之士各一人賜鰥寡孤獨貧

不能自存者殺三人三斛甲戌遼東屬國都尉龐奮承

偽璽書殺玄菟太守姚光五月庚申特進鄧騭及度

遼將軍鄧遵竝以譖自殺乳母王聖與中黃門李閏等誣告尚書鄧訪等謀廢

立宗族皆免官丙申貶平原王翼為都鄉侯秋七月

已卯改元建光大赦天下壬寅太尉馬英薨八月護

羌校尉馬賢討燒當羌於金城不利甲子前司徒劉

愷為太尉鮮卑寇居庸關九月雲中太守成嚴擊之

戰歿鮮卑圍烏桓校尉於馬城度遼將軍耿夔救之

戊子幸衛尉馮石府續漢書曰賜賞寶劍玉帛雜繒布等是秋京師及

郡國二十九雨水冬十一月己丑郡國三十五地震

或坼裂詔三公以下各上封事陳得失遣光祿大夫

案行賜死者錢人二千除今年田租其被災甚者勿

收口賦鮮卑寇玄菟庚子復斷大臣二千石以上服

三年喪癸卯詔三公特進侯卿校尉舉武猛堪將帥

者各五人丙午詔京師及郡國被水雨傷稼者隨頃

畝減田租甲子初置漁陽營兵伏侯古今注曰置營兵千人也冬十

二月高句驪馬韓穢貊圍玄菟城夫餘王遣子與州

郡并力討破之

延光元年春二月夫餘王遣子將兵救玄菟夫餘王

也擊高句驪馬韓穢貊破之遂遣使貢獻三月丙午

改元延光大赦天下還徙者復戶邑屬籍賜民爵及

三老孝悌力田人二級加賜鰥寡孤獨篤癘貧不能

自存者粟人三斛貞婦帛人二匹夏四月癸未京師

郡國二十一雨雹癸巳司空陳襲免五月庚戌宗正

彭城劉授為司空漢官儀曰宗正卿秩中二千石授字孟春徐州武原人己巳

改樂成國為安平封河間王開子得為安平王六月

郡國蝗秋七月癸卯京師及郡國十三地震高句驪

降虜人羗叛攻穀羅城穀羅屬西河郡度遼將軍耿夔討破

之八月戊子陽陵園寢火景帝陵也辛卯九真言黃龍見

無功無功縣屬九真郡己亥詔三公中二千石舉刺史二千

石令長相視事一歲已上至十歲清白愛利能救身

率下防姦理煩有益於人者無拘官薄清白謂真正也愛利謂愛

人而利之也無拘官薄謂受超遷之不刺史舉所部

郡國太守相舉墨綬墨綬謂令長之屬也隱親悉心勿取浮華

隱親猶親自隱也悉盡也言令三公以下九月甲戌

郡國二十七地震冬十月鮮卑寇鴈門定襄十一月

鮮卑寇太原燒當羗豪降十二月九真徼外蠻夷貢
獻內屬是歲京師及郡國二十七雨水大風殺人詔
賜壓溺死者年七歲以上錢人二千其壞敗廬舍失
亡穀食粟人三斛又田被淹蕩者一切勿收田租若
一家皆被災害而弱小存者郡縣為收斂之虔人羗
反攻穀羅城度遼將軍耿夔討破之

二年春正月旄牛夷叛寇靈關殺縣令靈關道屬越雋郡益

州刺史蜀郡西部都尉討之詔選三署郎三署解見和帝紀

及吏人能通古文尚書毛詩穀梁春秋各一人丙辰

河東潁川大風夏六月壬午郡國十一大風九真言

嘉禾生東觀記曰禾百五十六本七百六十八穗丙申北海王普薨秋七

月丹陽山崩八月庚午初令三署郎通達經術任民

牧者視事三歲以上皆得察舉九月郡國五雨水冬

十月辛未太尉劉愷罷甲戌司徒楊震為太尉光祿

勳東萊劉熹為司徒熹字季明青州長廣人也十一月甲辰校獵

上林苑鮮卑敗南匈奴於曼柏是歲分蜀郡西部為

屬國都尉京師及郡國三地震

三年春二月丙子東巡狩丁丑告陳留太守祠南頓

君光武皇帝于濟陽復濟陽今年田租芻橐庚寅遣

使者祠唐堯於成陽古成伯國也故城在今濮州雷澤縣北述征記云成陽東南有

堯冢 戊子濟南上言鳳皇集臺縣丞霍收舍樹上臺縣屬濟

南郡故城在今齊州平陵縣北賜臺長帛五十匹丞三十匹尉半之

吏卒人三匹鳳皇所過亭部無出今年田租賜男子

爵人二級辛卯幸太山柴告岱宗太山王者告岱之處為五岳之宗故

曰岱宗燔柴以告天齊王無忌北海王普樂安王延來朝壬辰

宗祀五帝于汶上明堂癸巳告祀二祖六宗二祖高祖光武

也六宗謂孝文曰太宗孝武曰代宗孝宣曰中宗孝元曰高宗孝明曰顯宗孝章曰肅宗勞賜郡

縣作樂三月甲午陳王崇薨戊戌祀孔子及七十二

弟子於闕里自魯相令丞尉及孔氏親屬婦女諸生

悉會賜褭成侯以下帛各有差還幸東平至東郡歷

魏郡河內壬戌車駕還京師幸太學是日太尉楊震

免夏四月乙丑車駕入宮假于祖禰假音格至也壬戌沛

國言甘露降豐縣戊辰光祿勳馮石為太尉五月南

匈奴左日逐王叛使匈奴中郎將馬翼討破之日南

徼外蠻夷內屬六月鮮卑寇玄菟庚午闔中山崩闔中

縣屬巴郡臨閬中水因以為名今隆州縣也辛未扶風言白鹿見雍辛巳

遣侍御史分行青冀二州災害督錄盜賊秋七月丁

酉初復右校令左校丞官續漢志曰將作大匠屬官有左右校皆有令丞中興

未置今始復日南徼外蠻豪帥詣闕貢獻馮翊言甘露降

潁陽衙潁陽縣故城在今雍州美原縣西南衙見上潁川上言木連理白

鹿麒麟見陽翟鮮卑寇高栢梁王堅薨明帝孫節王暢之子也

八月辛巳大鴻臚耿寶為大將軍戊子潁川上言麒

麟一白虎二見陽翟九月丁酉廢皇太子保為濟陰

王常侍江京等譖之也乙巳詔郡國中都官死辜繫囚減罪一

等詔敦煌隴西及度遼營漢官儀曰度遼將軍屯五原曼栢縣也○劉敞曰正

文詔敦煌案文詔當作詰其右趾以下及亾命者贖各有差辛亥

濟南上言黃龍見歷城歷城縣屬濟南國今齊州縣也庚申晦日有

食之冬十月行幸長安壬午新豐上言鳳皇集西界

亭今新豐縣西南有鳳皇原俗傳云卽此時鳳皇新集之處也丁亥會三輔守令

掾史於長安作樂閏月乙未祠高廟遂有事十一陵

歷觀上林昆明池遣使者祠太上皇于萬年以中牢

祠蕭何曹參霍光十一月乙丑至自長安十二月乙

未琅邪言黃龍見諸縣諸縣名故城在今密州諸城縣西南是歲京師

及諸郡國二十三地震三十六雨水疾風雨雪

四年春正月壬午東郡言黃龍二麒麟一見濮陽縣名

屬東郡即古昆吾國帝顓頊之墟今濮州縣二月乙亥下邳王衍薨甲辰

南巡狩三月戊午朔日有食之庚申幸宛帝不豫辛

酉令大將軍耿寶行太尉事祠章陵園廟告長沙零

陵太守祠定王節侯鬱林府君乙丑自宛還丁卯幸

葉帝崩于乘輿年三十二秘不敢宣所在上食問起

活如故庚午還宮辛未夕乃發喪尊皇后為皇太后

太后臨朝以后兄大鴻臚閻顯為車騎將軍定策禁

中立章帝孫濟北惠王壽子北鄉侯懿東觀記及續漢書並曰北

鄉侯續今作懿蓋二名甲戌濟南王香薨光武曾孫簡王錯之子也乙酉北

鄉侯即皇帝位夏四月丁酉太尉馮石為太傅石字次初

荆州湖陽人也馮魴之孫司徒劉熹為太尉叅錄尚書事前司空

李郃為司徒辛卯大將軍耿寶中常侍樊豐侍中謝

暉周廣乳母野王君王聖坐相阿黨豐暉廣下獄死

寶自殺聖徙鴈門己酉葬孝安皇帝于恭陵在今洛陽東北

二十七里伏侯古今注曰陵山周二百六十五丈高十五丈廟曰恭宗六月乙巳大

赦天下詔先帝巡狩所幸皆半入今年田租秋七月

西域長史班勇西域都護之長史也擊車師後王斬之丙午東

班勇超子也

海王肅薨冬十月丙午越雋山崩辛亥少帝薨是冬

京師大疫

論曰孝安雖稱尊享御而權歸鄧氏至乃損徹膳服

克念政道然令自房帷威不逮遠始失根統歸成陵

敝遂復計金授官

永初元年令吏人入錢穀得至關內侯也

移民逃寇

既

轉盛詔隴西徙襄武安

推咎台衡以荅天眚

台謂三台三公

象也衡平也言天下所取

既云哲婦亦惟家之索矣

平伊尹為阿衡即其義也

贊曰安德不升秕我王度

秕穀不成也諭政教之穢左傳祈昭之詩曰思我王

度

降奪儲嫡開萌邪靈

儲嫡謂太子也邪靈謂江充等也

馮石承歡

楊公逢怒

續漢志曰上賜衛尉馮石寶劍玉珖雜繒布等故曰承歡也楊公楊震逢怒謂樊豐

等譖震云有志恨心帝免之○劉敞曰注續漢志彼

案前文作漢書今此作志志不記如此事作書是彼

日而微遂侵天路之日君道也微不明也侵陰陽相侵

言君道闇亂政化陵遲漢祚衰

微自此而始故言遂侵天路也

紀書殤帝葬康陵臣放案前書平帝已名康陵不

當重復韋懷注云在慎陵瑩中庚地庚與康相似

但少許不同然檢續漢志亦作康陵又質帝年叙

康陵在恭陵上都是康字不知此字自章懷已前

誤之即或者後人傳寫一處誤之遂都

改今同也然章懷注語則似作庚無疑

[Faint bleed-through text from the reverse side of the page]

後漢書卷之六

順帝冲帝質帝紀第六

孝順皇帝諱保

謚法曰慈和偏服曰順伏侯古今注曰保之字曰守

安帝之子

也母李氏為閹皇后所害永寧元年立為皇太子延

光三年安帝乳母王聖大長秋江京

前書曰長秋皇后官本秦官將

行也景帝更名大長秋或用中人或用士人秩二千石中興常用宦者

中常侍樊豐譖

太子乳母王男厨監邴吉殺之太子數為歎息王聖

等懼有後禍遂與豐京共構陷太子太子坐廢為濟

陰王明年三月安帝崩北鄉侯立濟陰王以廢黜不

得上殿親臨梓宮悲號不食內外羣僚莫不哀之及北鄉侯薨車騎將軍閻顯及江京與中常侍劉安陳達等白太后祕不發喪而更徵立諸國王子乃閉宮門屯兵自守十一月丁巳京師及郡國十六地震是夜中黃門孫程等十九人十九人見孫程傳共斬江京劉安陳達等迎濟陰王於德陽殿西鍾下漢官儀曰崇堅門內德陽殿也即皇帝位年十一近臣尚書以下從輦到南宮登雲臺召百官尚書令劉光等奏言孝安皇帝聖德明茂早棄天下陛下正統當奉宗廟而姦臣交構遂令陛

下龍潛藩國從太子廢為王故曰龍潛藩國羣僚遠近莫不失望天

命有常北鄉不永漢德盛明福祚孔章孔甚也章明也近臣

建策左右扶翼內外同心稽合神明陛下踐祚奉遵

鴻緒為郊廟主承續祖宗無窮之烈上當天心下厭

民望而即位倉卒典章多缺請條案禮儀分別具奏

制曰可乃召公卿百僚使虎賁羽林士屯南北宮諸

門漢官儀曰書稱虎賁三百人言其猛怒如虎之奔

赴也孝武建安三年初置期門平帝元始元年更名虎賁郎又武帝太初元年初置建章營騎後更名羽林以天有羽林之星故取名焉又取從軍死士之子孫養羽林官教以五兵號曰羽林孤兒光武中興以征伐之士勞苦者為之故曰羽林士閻顯

兄弟聞帝立率兵入北宮尚書郭鎮與交鋒刃遂斬
顯弟衛尉景戊午遣使者入省奪得璽綬乃幸嘉德
殿遣侍御史持節收閭顯及其弟城門校尉耀執金
吾晏竝下獄誅已未開門罷屯兵壬戌詔司隸校尉
惟閭顯江京近親當伏辜誅其餘務崇寬貸壬申謁
高廟癸酉謁光武廟乙亥詔益州刺史罷子午道通
褒斜路子午道平帝時王莽通之三秦記曰子午長
安正南山名秦嶺谷一名樊川褒斜漢中谷
名南谷名褒北谷名斜首尾七百里已卯葬少帝以諸王禮司空劉授
免東觀記曰以阿附惡
逆辟召非其人策罷賜公卿以下錢穀各有差十

二月甲申以少府河南陶敦為司空敦字文理
京縣人也其令

郡國守相視事○劉敞曰案他處上有詔語則下有
其令云云無有特出其字者明多此

字未滿歲者一切得舉孝廉吏漢法視事滿歲乃得
舉今帝新即位施恩

惠雖未滿歲
得令舉人癸卯尚書奏請下有司收還延光三年

九月丁酉以皇太子為濟陰王詔書奏可京師大疫

辛亥詔公卿郡守國相舉賢良方正能直言極諫之

士各一人尚書令以下從輦幸南宮者皆增秩賜布

各有差

永建元年春正月甲寅詔曰先帝聖德享祚未永早

棄鴻烈姦慝緣間人庶怨讟上干和氣疫癘為災朕奉承大業未能寧濟益至理之本稽弘德惠蕩滌宿惡與人更始其大赦天下賜男子爵人二級為父後三老孝悌力田人三級流民欲自占者一級鰥寡孤獨篤癘貧不能自存者粟人五斛貞婦帛人三匹坐法當徙勿徙亾徒當傳勿傳徙囚逃亾當傳捕者放之勿捕宗室以罪絕皆復屬籍其與閭顯江京等交通者悉勿考勉修厥職以康我民辛未皇太后閻氏崩辛巳太傅馮石太尉劉熹司徒李郃免馮石字次初東觀記曰馮劉以阿黨權貴李郃以人

多疾疫免

二月甲申葬安思皇后丙戌太常桓焉為太傅

大鴻臚朱寵為太尉參錄尚書事長樂少府九江朱

張為司徒

朱寵字仲威京兆杜陵人朱張字孫卿壽春人張音丑良反

賜百官隨

輦宿衛及拜除者布各有差

○劉攽曰案文云及拜除者隨輦宿衛乃是賞

功拜除者未知何謂蓋傳寫之誤當云賜百官隨輦宿衛拜除者布各有差拜除謂已遷升其官布又加賜明衍一及字也隴西鍾羗叛護羗校尉馬賢討破之夏五

月丁丑詔幽并涼州刺史使各實二千石以下至黃

綬

實謂驗實之也二千石太守也黃綬丞尉也前書曰比二百石以上銅印黃綬也

年老劣

弱不任軍事者上名嚴敕障塞繕設屯備立秋之後

簡習戎馬六月己亥封濟南王錯子顯為濟南王秋
 七月庚午衛尉來歷為車騎將軍八月鮮卑寇代郡
 代郡太守李超戰歿九月辛亥初令三公尚書入奏
 事冬十月辛巳詔減死罪以下徙邊其亡命贖各有
 差丁亥司空陶敦免鮮卑犯邊庚寅遣黎陽營兵出
 屯中山北界告幽州刺史其令緣邊郡增置步兵列
 屯塞下調五營弩師郡舉五人令教習戰射調選也五營五
 校也謂長水步兵射擊胡騎車騎等五校尉也○劉
 攸曰正文案調五營弩師何為更言舉明此舉字是
 與字一郡與五人教習也○又注案此五校之名大
 誤檢百官志有屯騎越騎步兵長水射擊今此誤云

胡騎車騎當改胡作屯車作越且二漢有車騎將軍
 及騎都尉官耳無車騎校尉也又胡騎中興長水矣
 所以知非章懷之誤者安紀永初
 三年注五校引用漢官儀甚明壬寅廷尉張皓為

司空甲辰詔以疫癘水潦令人半輸今年田租傷害
 什四以上勿收責不滿者以實除之十二月辛巳賜
 王主貴人公卿以下布各有差

二年春正月戊申樂安王鴻來朝丁卯常山王章薨
 二月鮮卑寇遼東玄菟甲辰詔稟貸荆豫兗冀四州
 流冗貧人所在安業之疾病致醫藥護烏桓校尉耿
 曄率南單于擊鮮卑破之三月旱遣使者錄囚徒疏

勒國遣使奉獻夏六月乙酉追尊謚皇妣李氏為恭

愍皇后葬于恭北陵西域長史班勇敦煌太守張朗

討焉者尉犁危須三國破之竝遣子貢獻秋七月甲

戌朔日有食之壬午太尉朱寵司徒朱伉罷庚子太

常劉光為太尉錄尚書事光祿勳許敬為司徒劉光字仲

逾即太尉劉矩之弟許敬字鴻卿平輿人辛丑下邳王成薨

三年春正月丙子京師地震漢陽地陷裂甲午詔實

覈傷害者賜年七歲以上錢人二千一家被害郡縣

為收斂乙未詔勿收漢陽今年田租口賦夏四月癸

卯遣光祿大夫案行漢陽及河內魏郡陳留東郡稟

貸貧人六月旱遣使者錄囚徒理輕繫甲寅濟南王

顯薨秋七月丁酉茂陵園寢災帝縞素避正殿兩雅曰縞

皓也縞之精白者曰縞辛亥使太常王龔持節告祠茂陵九月

鮮卑寇漁陽冬十二月己亥太傅桓焉免東觀記曰無清介辟

召策罷是歲車騎將軍來歷罷

四年春正月丙寅詔曰朕託王公之上涉道日寡政

失厥中陰陽氣隔寇盜肆暴庶獄彌繁憂悴永歎疾

如疾首詩云君子如祉亂庶遄已解見章紀三朝之會朔

旦立春嘉與海內洗心自新其赦天下從甲寅赦令
以來復秩屬籍三年正月已來還贖其閭顯江京等
知識婚姻禁錮一原除之妻父曰婚婿父務崇寬和
敬順時令遵典去苛以稱朕意丙子帝加元服冠也賜
王主貴人公卿以下金帛各有差賜男子爵及流民
欲占者人一級為父後三老孝悌力田人二級鰥寡
孤獨篤癯貧不能自存帛人一匹二月戊戌詔以民
入山鑿石發洩藏氣赦有司檢察所當禁絕如建武
永平故事夏五月壬辰詔曰海內頗有災異朝廷修

政太官減膳珍玩不御而桂陽太守文龔音力公反不惟

竭忠宣暢本朝而遠獻大珠以求幸媚今封以還之

五州雨水秋八月庚子遣使實覈死亾收斂稟賜丁

巳太尉劉光司空張皓免東觀記曰以陰陽不和久託病策免九月復

安定北地上郡歸舊土安帝永初五年徙今復之癸酉大鴻臚龐

參為太尉錄尚書事太常王龔為司空冬十一月庚

辰司徒許敬免東觀記曰為陵轅使官策罷二千石祿終身○劉放曰注陵轅使官案文

官當鮮卑寇朔方十二月乙卯宗正劉崎為司徒崎

叔峻華是歲分會稽為吳郡拘彌國遣使貢獻陰人也

班始

五年春正月疏勒王遣侍子及大宛莎車王皆奉使

貢獻夏四月京師旱辛巳詔郡國貧人被災者勿收

責今年過更京師及郡國十二蝗冬十月丙辰詔郡

國中都官死罪繫囚皆減罪一等詣北地上郡安定

戊乙亥定遠侯班始坐殺其妻陰城公主腰斬始班超孫

也尚順帝姑陰城公主東觀記曰陰城公主名賢得同產皆棄市

六年春二月庚午河間王開薨三月辛亥復伊吾屯

田章帝建初二年罷也復置伊吾司馬一人秋九月辛巳繕起

太學護烏桓校尉耿曄遣兵擊鮮卑破之丁酉于闐

王遣侍子貢獻冬十一月辛亥詔曰連年災潦冀部

尤甚比蠲除實傷贍恤窮匱而百姓猶有弃業流亾

不絕疑郡縣用心怠惰恩澤不宣易美損上益下書

稱安民則惠易益卦曰損上益下人悅無疆惠愛也尚書曰安人則惠黎人懷之其令

冀部勿收今年田租芻橐十二月日南徼外葉調國

揮國遣使貢獻東觀記曰葉調國王遣使師會詣闕

其君紫綬及揮國王雍田亦賜金印紫綬揮音檀壬申客星出牽牛于闐王

遣侍子詣闕貢獻

陽嘉元年春正月乙巳立皇后梁氏賜爵人二級三

老孝悌力田三級爵過公乘得移與子若同產同產

子民無名數及流民欲占著者人一級鰥寡孤獨篤

癯貧不能自存者粟人五斛二月海賊曾旌等寇會

稽殺句章鄞鄞三縣長三縣皆屬會稽郡鄞縣今越州縣也句章故城在今鄞縣

西鄞故城在鄞縣東南鄞音銀鄞音茂攻會稽東部都尉詔緣海縣各

屯兵戊丁巳皇后謁高廟光武廟詔稟甘陵貧人大

小口各有差京師旱庚申勅郡國二千石各禱名山

嶽瀆遣大夫謁者詣高高首陽山并祠河洛請雨首陽

山在洛陽東北戊辰雩以冀部比年水潦民食不贍詔案行

稟貸勸農功賑乏絕甲戌詔曰政失厥和陰陽隔并

冬鮮宿雪春無澍雨分禱祈請靡神不崇說文曰崇設縣藪為

營以祈水旱祭音詠詩曰靡神不舉深恐在所慢違如在之義論語曰祭神如

神在今遣侍中王輔等持節岱山東海滎陽河洛

盡心祈焉滎水四瀆之一至河南益為滎澤故於滎陽祠焉三月揚州六郡

妖賊章河等寇四十九縣殺傷長吏庚寅帝臨辟雍

饗射大赦天下改元陽嘉詔宗室絕屬籍者一切復

籍稟冀州尤貧民勿收今年更租口賦夏五月戊寅

阜陵王恢薨秋七月史官始作侯風地動銅儀時張衡為

太史令丙辰以大學新成試明經下第者補弟子增

甲乙科員各十人前書音義曰甲科謂作簡策難問列置案上在試者意投射取而答

之謂之射策上者為甲次者為乙若錄政化得失顯而問之謂之對策也除郡國耆儒九

十人補郎舍人九月詔郡國中都官繫囚皆減死一

等亡命者贖各有差鮮卑寇遼東冬十一月甲申望

都蒲陰狼殺女子九十七人望都縣名屬中山國今定州縣也章帝改曲逆

為蒲陰亦屬中山與望都相近故城在今定州北東觀記亦作蒲本多作滿滿字者誤也東觀又云為不

祠北岳所致詔曰政失厥中狼災為應至乃殘食孤幼博訪其故山岳尊靈國所望秩而此不奉祠淫刑

放濫害加孕婦也。劉敞曰注本多作滿滿字者誤案文多一滿字詔賜狼所殺者錢

狼殺女子

人三千辛卯初令郡國舉孝廉限年四十以上諸生

通章句文吏能牋奏乃得應選其有茂才異行若顏

淵子奇不拘年齒史記曰顏回魯人好學年二十九髮盡白早成新序曰子奇年十八

齊君使之化阿至阿鑄其庫兵以為耕器出倉廩以賑貧窮阿縣大化十二月丁未東

平王敞薨庚戌復置玄菟郡屯田六郡閏月丁亥令

諸以詔除為郎年四十以上課試如孝廉科者得參

廉選歲舉一人戊子客星出天苑辛卯詔曰間者以

來吏政不勤故災咎屢臻盜賊多有退省所由皆以

選舉不實官非其人是以天心未得人情多怨書歌

股肱詩刺三事

尚書益稷篇帝作歌曰元首明哉股肱良哉詩小雅曰三事大夫莫肯夙

夜邦君諸侯莫肯朝夕也

今刺史二千石之選歸任三司

三司三公也即

太尉司空司徒也歸猶委任也

其簡序先後情覈高下歲月之次文

武之宜務存厥衷庚子恭陵百丈廡災

恭陵安帝陵也廡廊屋也

說文曰堂下周屋曰廡也

是歲起西苑修飾宮殿

二年春二月甲申詔以吳郡會稽饑荒貸人種糧三

月使匈奴中郎將王稠率左骨都侯等擊鮮卑破之

辛酉除京師耆儒年六十以上四十八人補郎舍人

及諸王國郎夏四月復置隴西南部都尉官

武帝元朔四年

初置南部都尉於隴西臨洮縣中興以來廢至此復置之也

己亥京師地震五月

庚子詔曰朕以不德統奉鴻業無以奉順乾坤協序

陰陽災眚屢見咎徵仍臻地動之異發自京師矜矜

祗畏不知所裁羣公卿士將何以匡輔不逮奉荅戒

異異不空設必有所應其各悉心直言厥咎靡有所

諱戊午司空王龔免六月辛未太常魯國孔扶為司

空扶字仲淵疏勒國獻師子封牛

東觀記曰疏勒王盤遣使文時詣闕師子似虎

正黃有鬣形尾短茸毛大如牛封牛其領上肉隆起若封然因以名之即今之峯牛

丁丑洛陽

地陷是月旱秋七月己未太尉龐參免八月己巳大

鴻臚沛國施延為太尉延字君子，新縣人也。鮮卑寇代郡冬十

月庚午行禮辟雍奏應鍾始復黃鍾作樂器隨月律

子為黃鍾律長九寸聲有輕重長短度量皆出黃鍾隨月律謂月令正月律中大簇二月律中夾鍾三月律中姑洗四月律中仲呂五月律中蕤賓六月律中林鍾七月律中夷則八月律中南呂九月律中無射十月律中應鍾十一月律中黃鍾十二月律中大呂東觀記曰元和以來音戾不調復修如舊典簇音湊

三年春二月己丑詔以久旱京師諸獄無輕重皆且勿考竟須得澍雨三月庚戌益州盜賊劫質令長殺列侯夏四月丙寅車師後部司馬率後部王加特奴等掩擊匈奴大破之獲其季母五月戊戌制詔曰昔

我太宗丕顯之德假于上下儉以恤民政致康乂朕秉事不明政失厥道天地譴怒大變仍見春夏連旱寇賊彌繁元元被害朕甚愍之嘉與海內洗心更始其大赦天下自殊死以下謀反大逆諸犯不當得赦者皆赦除之賜民年八十以上米人一斛肉二十斤酒五斗九十以上加賜帛人二匹絮三斤秋七月庚戌鍾羗寇隴西漢陽冬十月護羗校尉馬續擊破之十一月壬寅司徒劉崎司空孔扶免乙巳大司農南郡黃尚為司徒光祿勳河東王卓為司空

黃尚字伯河南郡即

人也王卓字仲遠河東解人也即音求紀反

丙午武都塞上屯羗及外羗

攻破屯官驅畧人畜

四年春二月丙子初聽中官得以養子為後世襲封爵自去冬旱至于是月謁者馬賢擊鍾羗大破之夏

四月甲子太尉施延免

東觀記曰以選舉貪污策罷也

戊寅執金吾

梁商為大將軍前太尉龐參為太尉六月己未梁王匡薨秋七月己亥濟北王登薨閏月丁亥朔日有食之冬十月烏桓寇雲中十一月圍度遼將軍耿曄於

蘭池

續漢志曰雲中郡沙南縣有蘭池城

發諸郡兵救之烏桓退走十

二月甲寅京師地震

永和元年春正月夫餘王來朝乙卯詔曰朕秉政不明災眚屢臻典籍所忌震食為重今日變方遠地搖

京師

東觀記曰陽嘉四年詔曰朕以不德謫見于天零陵言日食京師不覺故此言日變方遠○劉

放曰正文日變方遠案注引東觀記曰零陵言日食則是遠方也言方遠無理與注皆誤咎徵不

虛必有所應羣公百僚其各上封事指陳得失靡有所諱己巳宗祀明堂登雲臺改元永和大赦天下秋七月偃師蝗冬十月丁亥承福殿火帝避御雲臺十一月丙子太尉龐參罷十二月象林蠻夷叛乙巳以

前司空王龔為太尉

二年春正月武陵蠻叛圍充縣又寇夷道充縣屬武陵郡故城

在澧州崇義縣東北二月廣漢屬國都尉擊破白馬充音衝夷道屬南郡

羗武陵太守李進擊叛蠻破之三月辛亥北海王翼

薨乙卯司空王卓薨丁丑光祿勳馮翊郭虔為司空

虔字君賢池陽人夏四月丙申京師地震五月日南叛蠻攻

郡府秋七月九真交阯二郡兵反八月庚子熒惑犯

南斗熒惑火星也南斗北方之宿也前書音義曰犯謂七寸內光芒相及江夏盜賊殺

邾長邾縣屬江夏郡故城在今復州竟陵縣東邾音朱冬十月甲申行幸長

安所過鰥寡孤獨貧不能自存者賜粟人五斛庚子

辛未央宮會三輔郡守都尉及官屬勞賜作樂十一

月丙午祠高廟丁未遂有事十一陵丁卯京師地震

十二月乙亥至自長安

三年春二月乙亥京師及金城隴西地震二郡山岸

崩地陷戊子太白犯熒惑夏四月九江賊蔡伯流寇

郡界及廣陵殺江都長戊戌遣光祿大夫案行金城

隴西賜壓死者年七歲以上錢人二千一家皆被害

為收斂之除今年田租尤甚者勿收口賦閏月蔡伯

流等率眾詣徐州刺史應志降續漢書曰志字仲節汝南南頓人曾祖父

順巳酉京師地震五月吳郡丞羊珍反攻郡府太守

王衡破斬之六月辛丑琅邪王遵薨九真太守祝良

交趾刺史張喬慰誘日南叛蠻降之嶺外平續漢書曰祝良

字邵卿長沙臨湘人秋七月丙戌濟北王多薨八月巳未司徒

黃尚免九月巳酉光祿勳長沙劉壽為司徒壽字伯長臨湘

也丙戌令大將軍三公各舉故刺史二千石及見令

長郎謁者四府掾屬剛毅武猛有謀謨任將帥者各

二人特進卿校尉各一人冬十月燒當羗寇金城護

羗校尉馬賢擊破之羗遂相招而叛十二月戊戌朔

日有食之

四年春正月庚辰中常侍張達遽政楊定等有罪誅

事見梁商傳也連及弘農太守張鳳安平相楊皓下獄死三

月乙亥京師地震夏四月癸卯護羗校尉馬賢討燒

當羗大破之戊午大赦天下賜民爵及粟帛各有差

五月戊辰封故濟北惠王壽子安為濟北王秋八月

太原郡旱民庶流冗癸丑遣光祿大夫案行稟貸除

更賦冬十月戊午校獵上林苑歷函谷關而還十一

月丙寅幸廣成苑

五年春二月戊申京師地震夏四月庚子中山王弘

薨南匈奴左部句龍大人吾斯車紐等叛圍美稷

縣屬西河郡也五月度遼將軍馬續討吾斯車紐破之使匈

奴中郎將陳龜追殺南單于己丑晦日有蝕之且凍

羗寇三輔殺令長且音子余反丁丑令歿臯以下及亾命

贖各有差九月令扶風漢陽築隴道塢三百所置屯

兵辛未太尉王龔罷且凍羗寇武都燒隴關隴山之關也今

名大震關在今隴州開源縣西也壬午太常桓焉為太尉丁亥徙西

河郡居離石離石縣名在郡南五百九里西河本都平定縣至此徙於離石上郡居

夏陽朔方居五原句龍吾斯等東引烏桓西收羗胡

寇上郡立車紐為單于冬十一月辛巳遣使匈奴中

郎將張耽擊破之車紐降

六年春正月丙子征西將軍馬賢與且凍羗戰于射

姑山賢軍敗沒安定太守郭璜下獄死詔貸王侯國

租一歲閏月鞏唐羗寇隴西遂及三輔二月丁巳有

星孛于營室三月武都太守趙冲討鞏唐羗破之庚

子司空郭虔免丁巳河間王政薨丙午太僕趙戒為

司空戒字志伯蜀郡成都人也夏五月庚子齊王無忌薨使匈奴

中郎將張耽大破烏桓羗胡於天山東觀記曰耽將吏兵繩索相懸

上通天山鞏唐羗寇北地秋七月甲午詔假民有貲者戶

錢一千八月丙辰大將軍梁商薨壬戌河南尹梁冀

為大將軍九月諸種羗寇武威辛亥晦日有蝕之冬

十月癸丑徙安定居扶風北地居馮翊十一月庚子

以執金吾張喬行車騎將軍事將兵屯三輔

漢安元年春正月癸巳宗祀明堂大赦天下改元漢

安二月丙辰詔大將軍公卿舉賢良方正能探頤索

隱者各一人頤幽深也秋七月始置承華殿東觀記日時以

遠近獻馬衆多園廐充滿八月南匈奴左部大人句

龍吾斯與莫鞬臺耆等反叛莫音於六反鞬音居言反丁卯遣侍

中杜喬光祿大夫周舉守光祿大夫郭遵馮羨樂巴

張綱周栩劉班等八人分行州郡班宣風化舉實臧

否九月庚寅廣陵盜賊張嬰等寇郡縣冬十月辛未

太尉桓焉司徒劉壽免甲戌行車騎將軍張喬罷劉

放日案文少一事字十一月壬午司隸校尉趙峻為太尉大司

農胡廣為司徒峻字伯師下邳徐人也癸卯詔大將軍三公選

武猛試用有效驗任爲將校者各一人是歲廣陵賊張嬰等詣太守張綱降

二年春二月丙辰鄩善國遣使貢獻夏四月庚戌護羌校尉趙冲與漢陽太守張貢擊燒當羌於參織破

之

參織縣屬安定郡音力全反

六月乙丑熒惑犯鎮星丙寅立南

匈奴守義王兜樓儲爲南單于冬十月辛丑令郡國中都官繫囚殊死以下出緜贖各有差其不能入贖者遣詣臨羌縣居作二歲甲辰減百官奉丙午禁沽酒又貸王侯國租一歲閏月趙冲擊燒當羌於河陽

破之

河陽縣屬天水郡故城在今秦川龍成縣西北

十一月使匈奴中郎將

馬寔遣人刺殺句龍吾斯十二月揚徐盜賊攻燒城寺殺畧吏民是歲涼州地百八十震

建康元年春正月辛丑詔曰隴西漢陽張掖北地武威武都自去年九月已來地百八十震山谷坼裂壤敗城寺殺害民庶夷狄叛逆賦役重數內外怨曠惟咎歎息其遣光祿大夫案行宣暢恩澤惠此下民勿爲煩擾三月庚子沛王廣薨領護羌校尉衛琚追討叛羌破之

琚音居

南郡江夏盜賊寇掠城邑州郡討平

之夏四月使匈奴中郎將馬寔擊南匈奴左部破之
於是胡羗烏桓悉詣寔降辛巳立皇子炳為皇太子
改年建康大赦天下賜人爵各有差秋七月丙午清
河王延平薨八月揚徐盜賊范容周生等寇掠城邑
遣御史中丞馮赦督州郡兵討之庚午帝崩于玉堂
前殿時年三十遣詔無起寢廟歛以故服珠玉玩好
皆不得下

論曰古之人君離幽放而反國祚者有矣莫不矯鑒
前違審識情偽無忘在外之憂離遭也矯正也左傳曰晉侯在外十九年

矣險阻艱難備嘗之矣人之情偽盡知之矣故能中興其業觀夫順朝之

政殆不然乎何其倣僻之多與殆近也言順帝倣前之僻不能改正也

孝冲皇帝諱炳謚法曰幼少在位曰冲司馬彪曰冲幼早夭故謚曰冲伏侯古今注曰炳

之字順帝之子也母曰虞貴人建康元年立為皇太

子其年八月庚午即皇帝位年二歲尊皇后曰皇太

后太后臨朝丁丑以太尉趙峻為太傅大司農李固

為太尉參錄尚書事九月丙午葬孝順皇帝于憲陵

在洛陽西十五里陵高八丈四尺周三百步廟曰敬宗是日京師及太原

鴈門地震三郡水涌土裂庚戌詔三公特進侯卿校

尉舉賢良方正幽逸修道之士各一人百僚皆上封

事已未九江太守丘騰有罪下獄死東觀記曰騰知罪法深大懷挾

姦巧稽留道揚州刺史尹耀九江太守鄧顯討賊范

容等於歷陽軍敗耀顯為賊所殺冬十月日南蠻夷

攻燒城邑交阯刺史夏方招誘降之壬申常山王儀

薨已卯零陵太守劉康坐殺無辜下獄死十一月九

江盜賊徐鳳馬勉等稱無上將軍攻燒城邑已酉令

郡國中都官繫囚減死一等徙邊謀反大逆不用此

令十二月九江賊黃虎等攻合肥是歲羣盜發憲陵

護羗校尉趙冲追擊叛羗於鷓陰河戰歿涼州姑臧縣東南有

鷓陰縣故城因水以為名

永嘉元年春正月戊戌帝崩于玉堂前殿年三歲清

河王蒜徵至京師大赦天下

孝質皇帝諱纘謚法忠正無邪曰質古今注曰纘之字曰纘肅宗玄孫曾

祖父千乘貞王伉祖父樂安夷王寵父勃海孝王鴻

母陳夫人冲帝不豫大將軍梁冀徵帝到洛陽都亭

及冲帝崩皇太后與冀定策禁中丙辰使冀持節以

王青蓋車迎帝入南宮丁巳封為建平侯其日即皇

帝位年八歲己未葬孝冲皇帝于懷陵

在洛陽西北十五里伏侯

古今注曰高四丈六尺周百八十三步

廣陵賊張嬰等復反攻殺堂邑

江都長

堂邑縣屬廣陵郡今揚州六合縣也

九江賊徐鳳等攻殺曲陽

東城長

曲陽縣屬九江郡在淮曲之陽故城在今豪州定遠縣西北東城縣故城在定遠縣東南

也甲申謁高廟乙酉謁光武廟二月豫章太守虞續

坐賊下獄死乙酉大赦天下賜人爵及粟帛各有差

還王侯所削戶邑彭城王道薨叛羗詣左馮翊梁竝

降三月九江賊馬勉稱皇帝九江都尉滕撫討馬勉

范容周生大破斬之

東觀記曰傳勉頭及所帶玉印鹿皮冠黃衣詣洛陽詔懸夏城

門外章示百姓

夏四月壬申雩庚辰濟北王安薨丹陽賊陸

宮等圍城燒亭寺丹陽太守江漢擊破之五月甲午

詔曰朕以不德託母天下布政不明每失厥中自春

涉夏大旱炎赫憂心京京

爾雅曰京京憂也

故得禱祈

劉放曰

案文云得無理當是復字

明祀冀蒙潤澤前雖得雨而宿麥頗傷

比日陰雲還復開霽寤寐永歎重懷慘結

寤覺也寐臥也詩曰

寤寤永嘆唯憂用老

將二千石令長不崇寬和暴刻之為乎其

令中都官繫囚罪非殊死考未竟者一切任出以須

立秋

任保也

郡國有名山大澤能興雲雨者二千石長

吏各潔齋請禱竭誠盡禮又兵役連年死亾流離或

支骸不斂或停棺莫收朕甚愍焉晉文王葬枯骨人

賴其德呂氏春秋曰周文王使人掘地得成人骸文王曰更葬之吏曰此無主文王曰有天下者

天下之主今我非其主邪遂令吏以衣棺葬之天下聞之曰文王賢矣澤及枯骨又况人乎今遣

使者案行若無家屬及貧無資者隨宜賜卹以慰孤

冤是月下邳人謝安應募擊徐鳳等斬之丙辰詔曰

孝殤皇帝雖不永休祚而卽位踰年君臣禮成孝安

皇帝承襲統業而前世遂令恭陵在康陵之上先後

相踰失其次序非所以奉宗廟之重垂無窮之制昔

定公追正順祀春秋善之

魯閔公立二年而薨次僖公立僖雖是閔庶兄然嘗

為閔臣位次當在閔下後文公卽位乃進僖公神位居閔之上左傳曰躋僖公逆祀也定公八年經書從

祀先公從順也順祀謂退僖神位於閔下穀梁曰從祀先公貴正也其令恭陵次康陵

憲陵次恭陵以序親秩為萬世法六月鮮卑寇代郡

秋七月庚寅阜陵王代薨廬江盜賊攻尋陽又攻盱

台音吁夷今楚州縣也滕撫遣司馬王章擊破之九月庚戌太

傅趙峻薨冬十一月己丑南陽太守韓昭坐贓下獄

死東觀記曰強賦一億五千萬檻車徵下獄丙午中郎將滕撫擊廣陵賊

張嬰破之丁未中郎將趙序坐事弃市東觀記曰取錢縑三百七

十五 歷陽賊華孟自稱黑帝攻殺九江太守楊岑滕

撫率諸將擊孟等大破斬之

本初元年春正月丙申詔曰昔堯命四子以欽天道

四子謂羲仲羲叔和仲和叔也書曰乃命羲和欽若昊天鴻範九疇休咎有象

日天乃錫禹洪範九疇孔安國注云洪大也範法也疇類也言天與禹洛出書神龜負文而出列於背有

數至於九禹遂因而第之以成九類其八曰庶徵有休徵咎徵之應休美也咎惡也徵驗也人君行善政

則百穀用成家用平康是休徵也政有乖失則百穀用不成家用不寧是咎徵也休之與咎皆象人君之

政故言休咎有象也象或作家夫瑞以和降異因逆感禁微應大前

聖所重言君政純和則瑞氣降若逆時令則災異感所禁雖微其應乃大前聖所重即謂唐堯欽

若昊天箕子休咎之應頃者州郡輕慢憲防競逞殘暴造設科

條陷入無罪或以喜怒驅逐長吏恩阿所私罰枉仇

隙至今守闕訴訟前後不絕送故迎新人離其害怨

氣傷和以致災眚書云明德慎罰眚過也明德慎罰尚書康誥之言

方春東作育微敬始其赦有司罪非殊死且勿案驗

以崇在寬言東作之時須育養細微敬事之始禮記月令孟春之月無殺蟲胎天飛鳥無麋無

卯慶賜遂行無有不當書曰敬敷五教五教在寬壬子廣陵太守王喜坐討

賊逗遛下獄歿二月庚辰詔曰九江廣陵二郡數離

寇害殘夷最甚謂比年張嬰寇廣陵華孟寇九江也生者失其資業歿

者委尸原野昔之為政一物不得其所若已為之

尚書

一夫弗獲則日待予之辜

況我元元嬰此困毒方春戒節賑濟乏

厄掩骼埋胔之時

月令孟春之月行慶施惠下及兆民又曰掩骼埋胔鄭玄注曰為死

氣逆生氣也骨枯日骼肉腐曰胔

其調比郡見穀出稟窮弱收葬枯

骸務加埋卹以稱朕意夏四月庚辰令郡國舉明經

年五十以上七十以下詣太學自大將軍至六百石

皆遣子受業歲滿課試以高第五人補郎中次五人

太子舍人又千石六百石四府掾屬三署郎四姓小

侯先能通經者各令隨家法

四府掾屬謂大將軍府掾屬二十九人太尉府

掾屬二十四人司徒府三十一人司空府二十九人

漢官左右中郎將皆秦官也比二千石三署郎皆屬

焉三署謂五官署左右署也儒生為詩者謂之詩家

禮者謂之禮家故言各隨家法也四姓小侯解見明

紀也○劉敞曰注漢官左

右中郎將案文少一儀字

賞進五月庚寅徙樂安王為渤海王海濊戊申使

謁者案行收葬樂安北海人為水所漂沒死者又稟

給貧羸庚戌太白犯熒惑六月丁巳大赦天下賜民

爵及粟帛各有差閏月甲申大將軍梁冀潛行鴆弑

帝崩于玉堂前殿年九歲丁亥太尉李固免戊子司

徒胡廣為太尉司空趙戒為司徒與梁冀參錄尚書

事太僕袁湯為司空

贊曰孝順初立時髦允集

爾雅曰髦俊也郭璞注曰士中之俊猶毛中之髦時

張皓王龔龐參張衡李邨李固黃瓊之儔也

匪砥匪革終淪嬖習

砥礪也革改也

淪沒也言順帝初升天位又羣賢總集不能因茲自

保阿傳土后家世及

保安也阿倚也

九人為侯又詔中官養子聽襲封爵之類也

言可依倚以取安傳姆之類也傳土謂阿母山陽君

冲天未識質弒以聰陵折

在運天緒三終

言陵遲天折在於時運所以天之胤緒頻致三終也

後漢書卷之六

四十二年八月九日夜也

